



Riba World Health Day cu atencion riba awo y futuro di salubridad

A otorga certificado di supervisor diCodigo di Proteccion

Masha pabien!

Pg.2



Otro siman DRH lo topa cu sindicatonan riba reorganizacion di Inmigracion

Pg.



Eric Wente a ofrece un lectura special di Wine Tasting na studiantenan di EPI

Pg.16



get a quote

make a payment

sign up

Quick and easy!



live safe | live easy

Minister Rocco Tjon:

A otorga certificado di supervisor diCodigo di Proteccion



Diaranson mainta, den un esfera positivo, Minister di Husticia y Asuntunan Social Sr. Rocco Tjon a haci entrega di certificado di supervisor diCodigo di Proteccion, na e profesionalnan cu a termina e curso. E proyecto aki, manera ta conoci, a nace algun aña atras pa medio di e "Social Crisis Plan", cual a keda prolonga mirando e importancia cu e metodo aki tin pa e siguridad di nos muchanan. E proyecto aki lo continua bou di e capa di "Family Justice Center", y hunto cu otro metodonan cu a wordo introduci caba, manera "Signs of Safety", cual tambe ta di balor agrega, lo wordo treci mas serca di otro pa di e forma aki por sigui contribui y traha mas eficiente y eficaz den e lucha contra abuso di mucha.

Codigo di Proteccion ta consisti di cinco paso concreto cu e profesional ta tuma pa por garantisa e siguridad di e mucha. E ta un metodo di trabou, unda e profesional ta sigui e pasonan, ta pone e informacion di e situacion riba papel, ta papia cu coleganan y esnan alrededor di dje, y si ta necesario, ta pasa e informacion pa e instancia concerni pa por sigui atende cu e caso. Segun e mandatario, e ta di suma importancia

pa, na momento cu ta trata casonan di abuso di mucha y en particularmente casonan di abuso sexual, percursa pa trece un caso solido padilanti. Pa e motibo aki ta inverti hopi den e parti di educacion, training y workshops den e cauter sectornan esta; social, husticia, salubridad y enseñansa. Asina, e profesionalnan den e sectornan aki lo tin un miho conocimiento pa loke ta atende cu informacion, pero tambe e situacion y e victimanan, pa asina crea casonan mas solido.



Por ultimo, Sr. Tjon a agrega cu pa loke ta trata e pasonan legislativo cu ta wordo tuma, por menciona cu varios paso a wordo tuma caba, entre otro e aumento di castigo. Pues, di parti di Ministerio di Husticia y Asuntunan Social, ta sumamento contento cu e proyecto aki, y a felicita e 12 trainernan local cu a percursa pa e 31 cursistanan por a logra termina e curso aki. Den e grupo di e 31 cursistanan cu a logra termina e curso, por mira cu tin profesional di tur cuater sector cu a wordo menciona. Di e forma aki ta bay percursa pa sigui mehora, contribui y combati abuso di mucha, particularmente abuso sexual.

Comunidad tin cu “brace” nan mes pa peliger di atraco y ladronicia

Situacion financiero deplorabel ta crea e posibilidad aki

Diahuebs merdia a tuma lugae un atraco brutal den un joyeria situa den Marriott Hotel caminda un homber a drenta y a exigi pa nan dune un cantidad di joya balioso pa despues e core bandona e lugae y subi den un auto. Sinembargo e parti positivo ta cu den menos di dos ora, Polisnan a logra di pone man riba e antisocial aki na un cas na Kamay, caminda e homber a nenga inicialmente cu e no sa dicon e ta wordo deteni, pero despues ta bin resulta cu ta su persona mes tabata e atracadoe involvi.

Pa medio di grabacionnan den e joyeria y di e hotel, a logra di reconoce e homber, kende pa colmo ta un figura bon conoci pa husticia y ainda no ta conoci si a logra di detene mas sospechoso den e caso aki of e persona aki a actua su so den e aventura aki.

E desaroyo aki ta otro prueba di un desaroyo hopi preocupante den comunidad, esta aumento di casonan di ladronia formal, esta di drenta cas of propiedad di hende y horta, tin ladronicia cu violencia caminda ta agredi inocentenan pa kita nan pertenencianan y tambe tin atraconan arma caminda anti-socialnan ta usa un of otro arma pa forsa nan victimanan di entrega loke nan tin.

Lamentablemente e tipo di casonan aki a bin ta aumentando, mescos cu casonan di uso di arma di candela tambe a bin ta aumentando, pero cu Minister di Husticia ainda no kier acepta cu esaki t’e caso y cu su Gobierno tin cu actua den un forma mucho mas preventivo pa proteha comunidad.

E situacion financiero di e pais ta pesimo, loke ta pone cu medidanan cu Gobierno a bin ta introduciendo y cu lo bay introduci mas ainda, ta pone cu den comunidad tin hende ta birando desespera, ta busca unda cu ta y kico cu ta pa wak con nan por yega na placa p’asina sali dilanti cu y pa nan familia.

E desesperacion ta grandi caminda hasta tin un aumento di casonan na pia di trabou, caminda ta haya traha-



dornan cu ta horta, sea ta cuminda of cualkier cos cu nan por yuda nan famia, ya cu no tin placa p’e famia por sali dilanti cune.;

AWEMainta a wordo informa di un trahador na un supermercado a wordo atrapa pa horta un paki di toilet paper y tambe dos saco di pan, pero aki gerencia na lugar di retira e hoben aki mesora, a dicidi di sinta cune y mira kico tabata e motibo cu el a comete e robo aki.

Ta bin resulta cu su famia ta confrontando hopi problema desde e pandemia, y entre otro nan sa pasa algun dia sin cuminda den caso, ta pasa algun dia sin coriente na cas y den e cas e hoben aki tin tres ruman mas chikito cu ne cu ta di 8, 10 y 11 aña, kendenan ta bayendo scol, pero no por bay scol.

E situacion financiero ta deplorabel den hopi cas rond di Aruba y pa colmo den e ultimo presupeusto 2022 cu a wordo aproba e siman aki pa 11 Parlamentarionan di MEP y RAIZ, no tin ningun ningun alternativa pa yuda esnan mas desampara.

No tin speranza pa un pueblo cu a hogando den miseria, cu no tin solucion pa su problemanan y no por acudi ningun caminda ya cu Gobierno tampoco tin solucion na man pa yuda su pueblo.

Casonan di ladronicia lo bay mira un aumento drastico, ya cu e situacion ta hopi drastico, pero ningun mocion cu a wordo presenta e siman aki, fuera di esnan entrega pa fraccionnan den oposicion, tabata dirigi pa yuda esnan den mas necesidad.

Xander Bogaerts a inicia temporada den gran forma, pero Boston ta perde



Diabierna atardi e dos rivalnan grandi den Liga Americana, Boston Red Sox y New York Yankees, a habri nan temporada 2022 c'un wega cu a ser hunga dilanti un stasdion repleto cu 46.097 fanatico y e dos ekiponan no a defrauda e fanaticada.

Un biaha mas e pelotero Arubiano, Xander Bogaerts a demostra su clase contra di un di e pitchernan mas dominante cu tin den baseball Liga Grandi, cu ta Gerrit Cole di Yankees, caminda el a dal Cole dos hit pa yuda Boston saca bentaha di 3-0 den inicio di e prome entrada.

Yankees a reaciona mesora anotando dos careda tambe den e prome entrada y a sigui un duelo formal entre e dos ekiponan cu Boston mantenien-do un bentaha leve di 4-3 te ora cu DJ LeMahieu a conecta home run den bon di e di ocho entrada pa empata e wega na 4-4.

Xander Bogaerts cu su di tres hit di ano-chi den di dies entrada ta bolbe pone Boston ariba 5-4 caminda el a percura pa tiki panico den e dugout di Boston, ora cu el e tene su hamstring saliendo rumbo pa primera base.

Sinembargo Xander no kier a tende di sali for di e wega y a duna señal cu e ta bon y ta sigui den e wega, pero Yankees un biaha mas ta logra di empata e partido den bom di 10 entrada ora cu Gleibert Torres conecta fly di sacrificio pa empuha e careda di empate pa pone e wega na 5-5.

Boston no a logra di anota den su tur-

no den di 11 entrada, pero Yankees si ta probecha di un hit di su tercera base nobo, Donaldson kende ta dal e hit di triunfo cu ta duna Yankees e triunfo di 6-5 y habri e temporada riba bon pia. Awe e dos ekiponan ta bolbe topa cu otro den Yankee Stadium.

Xander un biaha mas a demostra cu mientras cu Gerrit Cole por ta un di e mihor pitchernan den baseball, semper e ta bati Cole cu facilidad loke tambe el a haci ultimo temporada ora cu Boston a domina e serie contra di Yankees totalmente. Ayera den e wega un biaha mas por a nota cu e confiansa cu Xander ta provee su ekipo, e postura dominante cu e tin na plato y con e ta practicamente e lider di e ekipo di Boston aki un biaha mas ya cu den temporada di 2021, tambe e pelotero Arubiano a carga e ekipo di Red Sox pa mayoria di e temporada.

Hunto cu Devers nan ta e figuranan principal den e parti ofensivo caminda e pelotero Dominicano ayera a conecta un solo hit, pero tabata un homerun di dos careda den prome entrada contra di Gerrit Cole.

Despues di e partido no tabatin participacion oficial di Red Sox relaciona cu un posibel lesion di hamstring di Bogaerts y tin cu spera awe pa mira si e lo mira accion na short stop of si management lo dicidi di opta p'e sosega esaki, p'asina evita algo mas serio cu lo por laga Xander inactivo pa un periodo mas largo.

Ayera tambe el a hunga cu su partner nobo na segunda base, cu ta Trevor Story, kende realmente ta un short stop caminda a specula inicialmente cu lo pidi Xander pasa pa segunda base p'asina pone Story na short, loke aparentemente Bogaerts lo a nenga di haci. Ayera Trevos Story no tabatin un peso den e wega pa su ekipo ya cu el a faya na cinco ocasion caminda un biaha el a wordo poncha cu coreador na segunda base den di 10 entrada pero e no a impresiona den su prome wega cu su ekipo nobo. Boston Red Sox tabatin 5 careda cu 9 hit y dos eror, mientras cu New York Yankees tabatin 6 careda cu 9 hit y no a comente ningun eror y awe tardi e dos ekiponan lo bolbe enfrenta otro na Yankee Stadium den wega programa pa cuminsa 4.05 di atardi.

Caso di inmoralidad a tarda cinco aña pa yega Corte

No ta prome biaha, pasobra algun siman atras caba tabatin un caso di un homber acusa di a tene relacion cu menor cu a tarda algun tempo pa yega Corte.

E siman aki tabatin dos caso di algun aña bieu cu a yega Corte.

Esaki ta algo contra derecho humano, tanto p'e acusado como p'e victima. Ley mes ta bisa cu dos aña ta prudente pa un caso ta sera completamente, inclusive cu e parti di castigo impone dor di Corte.

Ta trata di caso cu a trata diahuebs y e acusadonan mes tabata den libertad caba. E prome ta di e homber Stiben M., acusado di a mishi cu un mucha chikito, di seis aña.

E mucha ta yiu di un bon amiga di dje. Y e hecho a tuma lugar ora cu nan a bay lama y tabata bolbiendo cas.

Debi cu no tabatin suficiente lugar, espacio, den e auto e mucha aki di seis aña pa no sinta preta, a bay riba scochi di amigo di su mama.

Ademas di e acusado aki y mama di e mucha tabatin otro señora mas den auto hunto cu su yiunan. E dos adultonan a baha na un supermercado y esey t'e momento, segun e menor, cu e homber a mishi na su parti abou.

Cara di e menor tabata mostra cu algo a pase, pasobra den e declaracion cu tanto e mama como e amiga a duna, ta bisa cu nan a mira e mucha muher ta yora y ta tembla.

E mucha di biaha a conta su mama, kico a pasa, ora cu nan tabata nan so den e siguiente supermercado.

E otro señora a core bay saca su yiunan di auto y e mama di e victima a bay reclama su amigo, kende naturalmente a nenga. Den Corte tambe el a nenga.

E acusado, su abogado, ta bisa cu como cu el a sufri un accidente, e no tabata por a uza su man drechi, Por ta cu accidentalmente su man a mishi cu e mucha.

Den e declaracionnan ta poni cu e hom-



ber a hinca su bou di e serbete cu cual e mucha tabatin rond di su curpa, pa motibo cu e tabatin friu.

E caso aki ta uno cu a tuma lugar na aña, 2017. Pues cinco aña pasa. Esaki tabata motibo tambe cu no a pidi un castigo haltu y e hecho cu no tabatin penetracion. E exigencia tabata cinco luna y esey ta loke Corte a dun'e tambe.

E otro caso tabata contra e hoben Jeandrick M. di 20 aña. El a sali cu algun turista hoben di Suecia. A bay riba un paranda di bebe cu a finalisa den lama na Eagle Beach. Nan a bay skin dip cu e minimo di paña.

E acusado ta bisa cu dor cu el a bebe, el a brasa e mucha muher. Aunke e turista di 20 aña no tabata kier ricibi un sunchi di dje den boca, el a sigui brasa cune y e man a bay den su parti abou.

Na momento cu el a hinca su man den e parti abou di e paña y su dedenan a penetre, e mucha muher a push'e. Mesora el a stop y a aleha. Pero tanto Fiscal como Hues a bis'e cu e hecho cu e no a lague sunchi e ta señal caba cu e no kier nada intimo.

Ta trata di un caso cu a tuma lugar na 2019 y e turista a bay su pais bek. A pidi 10 luna, pero condicional y tres aña di prueba. Pues casonan cu a tarda bastante pa yega Corte.

Votando contra e ley di iniciativa di integridad ta un muestra cu

E oportunidad pa haci lo corecto a pasa Parlamentario Miguel Mansur voorbij

Y el a uni su mes n'e bende di corrupcion

Tin biaha den bida, oportunidadnan unico ta bin pa haci lo corecto y defini na ki banda bo ta para. Pa define si bo ta integro of no. P'e Parlamentario hoben y nobo den Parlamento di su propio partido Accion21, señor Miguel Mansur, e oportunidad aki a pase voorbij y el a uni su mes na e bende di corrupcion.

Esaki, Partido MEP ta lamenta hopi, pasobra su votadornan no a vota p'e uni na corrupcion sino pa para n'e banda corecto di integridad. Pueblo di Aruba a spera mas di e Parlamentario hoben pero e Parlamentario a prefera di no sconde su falta di integridad y a vota contra e mocion pa anca den ley cu ningun politico corrupto, dus ningun politico cu no ta integro, lo por bira Parlamentario mas na nos pais.

Miguel Mansur, un persona y politico hoben cu durante campaña a grita cu e si lo bringa y caba cu tur corrupcion na nos pais, un hoben cu dia aden y dia afo ta grita cu Gobierno no ta integro, a faya y a muestra bon cla cu e no ta para pa integridad.

E dicho cu ta bisa: 'Nunca lo bo haya un di dos oportunidad pa haci e prome impresion', e dia aki, no a importa señor Mansur y awor e impresion cu el a proyecta di su mes den pueblo, ta di ta un persona cu no ta haci lo corecto ora e haya e prome oportunidad pa haci asina. Durante tratamiento di presupuesto, fraccion di MEP, sosteni dor di fraccion di RAIZ, a presenta un mocion hopi importante pa loke ta trata integridad.

E mocion ta pidi pa concipia un ley di iniciativa cu lo percura pa salvaguardia e imagen di Parlamento p'asina ningun politico corrupto of sospecha di corrupcion por bira Parlamentario. Un ley cu base amplio di integridad.

Accion 21 a vota contra

E speransa den e mocion presenta tabata cu 21 Parlamentario lo a duna nan voto di sosten mirando cu durante henter e reunionnan, e topico di Integridad padilanti constantemente. Miguel Man-

sur te hasta a considera coalicion 'trash'. Pero a resulta cu e mes no ta sirbi ni pa recicla, manera e Parlamentario di RAIZ a bisa, ora ta trata pa para n'e banda di integridad y contra corrupcion.

E mocion cu fraccion di MEP a presenta, sosteni dor di fraccion di RAIZ, a wordo aproba p'e Parlamentarionan den Parlamento cu si ta para pa Integridad y contra corrupcion. Y asina pronto, politiconan cu ta sospechoso di actonan penal, no por bira Parlamentario mas manera awor t'e caso di Parlamentario Benny Sevinger, cu ta pone Aruba su cara na berguensa local y internacionalmente.

Parlamentario Miguel Mansur por ta contento cu e logro aki di fraccionnan MEP y RAIZ, un logro cu señor Mansur no tin parti di dje, pasobra el a scoge pa uni su mes n'e bende di corrupcion.

PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota

Serlimar a dicidi cu no ta recoge saco sushi banda di bari

Tin hopi keho caba riba e servicio cu Serlimar ta brinda. E no ta algo di awor, pero di semper. Awor nan a yama un conferencia di prensa pa duna informacion relaciona cu e temporada di Siman Santo y ta informa na mesun momento cu lo no bay coy saco di sushi banda di bari di Serlimar tampoco. E conferencia aki a tuma lugar diahuebs mainta, mesun momento cu tabatin un reunión entre sindicato STA y gerencia di Serlimar. STA tabata kier haya informacion di e compania, su situacion financiero y con ta mira e futuro.

Den e conferencia di prensa mes a papia di un special pa e temporada di campamento. Esnan cu ta bay camp pa haci uzo di e oferta aki y e truck di Serlimar ta pasa recoge sushinan. Ta paga 10 florin pa henter e temporada, cu ta core for di 10 te cu 24 di april.

Mester haci e pago aki adelanta na oficina na MFA Paradera of na Serlimar mes den Kockstraat. Of por manda un email di esaki. Tambe a bin dilanti e punto di clientenan cu no a paga pa cual Serlimar a haya su mes obliga di recoge nan barinan. Esaki ta un decisión cu a cuminsa ehecuta den luna

di februari ultimo. A recoge e barinan y a controla tambe cuanto bari mester pa cas, a base di e sushinan cu ta recoge.

Mayoria cas a keda cu solamente un bari. Pero e trahadornan a bin constata cu hopi cas tin un bari completamente yen y na banda tin dos of mas saco di sushi poni na banda. "Nos ta pensa cu si bo acumula mas sushi cu solamente e 1 bari, e ora ey 2 baki ta necesario pa bo cas.

Nos no por bay piki e dos saconan di sushi cu ta na banda di e bari y pesey nos ta ricibi yamadanan di keho. P'esey nos ta conseha cu si bo tin dos bari, pa bo keda cu tur dos, a wordo treci dilanti dor di sr. Emerencia di Serlimar.

Otro siman DRH lo topa cu sindicatonan riba reorganizacion di Inmigracion



Recientemente Minister di Husticia y Asunto Social Rocco Tjon, a indica cu pronto e reorganizacion di Inmigracion lo keda cla, mirando cu hunto cu DRH ta trahando riba esaki. Den e plan di maneho di Ministerio di Husticia y Asunto Social, a priorisa aspectonan cu ta riguarda personal. Den cuadro di esaki, diahuebs mainta a notifica e tres sindicatonan esta, SEPPA-TOPA-STA, cu lo inicia cu e "plaatsingsprocedure". Esaki, despues cu recientemente Consejo di Minister a aproba e ultimo formato di e structura di organizacion, manera a ser palabra cu e sindicatonan. Segun Minister Tjon, e structura di un organizacion ta lo mas importante. A base di esaki, e ta posibel pa, como organizacion, por cumpli cu tareanan, brinda e servicio cu comunidad ta exigi como tambe percura pa un carrera digno p'e empleadonan. Inmigracion Aruba ta un organizacion cu tin un tarea importante pa loke ta eleva seguridad na nos frontera. Den cuadro di esaki nan ta forma parti di e "strategisch grensoverleg" como tambe e ehecucion di e "plan van aanpak versterking grensveiligheid". P'e ultimo plan aki, Hulanda a aloca cuater mion euro. Banda di e tareanan aki, ta hopi importante p'e aspectonan interno ta bon regla p'e trahadornan. Bisando esaki, DRH lo aserca e sindicatonan e siman nos dilanti pa duna

splicacion tocante e procedura pa loke t'e "plaatsing". Ta premira cu mas tarda den luna di juli, e reorganizacion lo ta completamente finalisa. Asina por menciona, cu esaki lo t'e di dos reorganizacion cu ta keda cla durante gobernacion di Gabinete Wever-Croes II. E siguiente dos reorganizacionnan cu lo tuma lugar ta di departamentonan di CEA y GNC.

BROWN advocaten

Wij zoeken ter ondersteuning van onze Incassoafdeling een

Administratief Medewerk(st)er (m/v)

De werkzaamheden bestaan onder meer uit het contact onderhouden en corresponderen met cliënten en diverse instanties, het opstellen van gerechtelijke verzoekschriften en het zelfstandig bewaken van incassodossiers, een en ander in nauwe samenwerking met onze advocaten.

Onze voorkeur gaat uit naar de kandidaat die:

- nauwkeurig en zelfstandig kan werken
- goede contactuele eigenschappen heeft
- kritisch en doortastend is
- ervaring heeft met MS Word en MS Excel, en
- de opleiding: HAVO, VWO of EPI Unit Economie heeft genoten

Graag ontvangen wij uw sollicitatie met curriculum vitae uiterlijk maandag 11 april 2022 gericht aan:

Brown Advocaten
T.a.v. mevrouw Carina Croes
Caya Dr. J.E.M. Arends 12
Aruba
Tel.: (0297) 523-4226
Fax: (0297) 523-4220
Email: carina@brownlawyers.com

Voor vragen kunt u contact opnemen met mevrouw Carina Croes

Minister Glenbert Croes satisfecho cu e avansenan na Enseñansa pa Empleo

E no ta un secreto cu na januari 2022 ora cu EpE a bin resorta bek bou di Ministerio di Labor, unda cu semper el a resorta desde su fundacion na año 1986, a bin encontra un EpE hopi debilita, despues di 36 año di existencia.

Minister Glenbert Croes, un biaha mas ta reitera su reconocimiento na FEPA y e 4 empleadonan di EpE cu a keda kere den EpE y a haci tur loke ta na nan alcance, riba forsa y esfuerzo propio, pa mantene EpE habri.

Nos a bin encontra un EpE sin telefon y sin internet. Wayanan di instalacion di IT, internet y telefon corta. Un EpE sin su inboedel cual a wordo regala na un cantidad di scolnan lagando EpE sin nada. Danki na FEPA cu a haci inversion den EpE, segun su forsa tambe, cu e departamento aki por a keda existi bou condicionnan hopi limita.

Awor 4 luna despues, nos tin un Enseñansa pa Empleo reenforza, contando cu e total apoyo di Minister Glenbert Croes y su bureau. Mientras tanto nos a logra pa EpE por haya su telefon bek den servicio nr. 582-5662. Tambe nos a logra reactiva y actualisa e website cu ta www.epearuba.com. Ainda nos ta purbando pa recobra e pagina di Facebook. Pa cu esaki nos ta den proceso cu nos departamento huridico pa conseha nos. Tambe nos a logra pa EpE por haya su POS bek

pa cursistanan por haci pago cu ATM. IT di Bureau conhuntamente cu otro colega a reinstala tur computer y tambe ta percurando pa e infraestructura pa por reconecta EpE bek riba internet.

Lamenblemente Minister Glenbert Croes no a ni menciona ta kende e ta sospecha cu a causa tur e daño aki. E ultimo Minister di EPE tabata Rudy Lampe.

Djis pa duna un ehempel di mas avansenan tumando luga, si na 2021 EpE a genera AWG 2925,- na cursonan ofreci, ya den e prome 4 lunanan di año 2022, desde cu e ta resorta bou di Minister Glenbert Croes, EpE a genera un total di AWG 82.373,02 na cursonan ofreci.

Cu pasonan lento pero aplastante ta hibando EpE e proximo nivel. E departamento cu ta crucial pa recapitacion di nos hendenan conforme e demandanan nobo di nos mercado laboral.

8 april 2022

Eric Wente ta regresa Aruba despues di un pausa di dos año



Eric Wente tin mas cu dos decada ta bishita Aruba, hungando golf, recaudando fondo pa caridad, y promoviendo su coleccion di fine California Wine. Como embahador di e marca Wente, el a escohe Aruba como su destinacion pa caridad den Caribe, birando asina e patronisador principal di e evento anual Charity Golf Tournament, na Tierra Del Sol.

Akinan el a partner cu Arion Wine Company y Papiamento Restaurant pa produci e serie di evento aki tan gusta. Riba su prome anochi na Aruba, Wente a host un recepcion di biña na H&H Wines & Spirits na Ponton, promoviendo su producto di mas nobo, Murrieta's Well, awor haciendo Sauvignon Blanc y un delicioso formula cora, biñanan di un bodega bayendo te na siglo 19.

Wente ta un di cuater generacion di creador di biña y Chairman Emeritus di e hunta na Wente Vineyards, despues di 43

año di servicio na cabes di e compania. Arion Wine Company a disfruta di un bon relacion cu e creador di biña durante tur e añanan aki, y ta anticipando un tremendo turnout riba Diadomingo, contento di por start bek e tradicion despues di un pausa di dos año.

Bo tin tur cos akinan, Wente ta splica, tur componente di e torneo ta na su luga, y nos a disfruta di por organisa esaki hunto na Aruba. E ta un tremendo tradicion, Eduard Ellis ta bisa, chef propietario di Papiamento Restaurant, nos ta totalmente emocionada pa cu esaki tur año.



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Xpresa bo mes

Staten Voorzitter su actuación a laga di desea

Mi ta kere cu mester bay reclama e Presidente di Staten pa cu su comportacion y manera cu e ta dirigi e reunionnan, cu ta laga hopi di desea, como hende grandi studia, den ora cu pueblo ta page pa traha pa nan, pero ta prefera di hasi cosnan priva pa su mes hortando e pueblo su plaka pa no duna pa loke e ta cobra pe.

Ta un berguenza pa mira con e plaka di e pueblo aki ta wordo malgasta pa paga salarionan halto pa no sirbi interes di e pueblo, pero pa sinta hasi Bully manera much'i school durante e mal ehempel na nos hubentud.

Un bergeunza mientras tin problemanan grandi y serio pa atende, e grupo aki cu ta dicidi futuro di nos isla, ta prefera di hasi fechoria sinta bully otro, enrikece nan mes, na lugar di traha pa loke nan a huramenta pe, na bienestar di e pueblo.

Mientras cu Hulanda mester bin muestra nan kiko pa hasi, ta prefera di bay sinta hasi chercha di otro den Parlamento, pa na final ta vota pa algo cu na mi parecer nan no sa mes kiko nan a aproba como Parlamento y no ta realisa e consecuencianan di nan actuacion y problemanan cu nan ta hinka e pueblo aki aden.

Loke mi no ta compronde cu esun cu ta na cabez di e henter e proceso ak, y ta demostra di no sa con pa hasi su trabao y preveni tipo di bagamunderia y mal ehempel nan aki tuma lugar, pero ta cobra si e pueblo su plaka.

Ki dia hefe di nos estado lo lanta y reclama e persona aki di su comportacion y pone ordo y bisa cu si e no por hasi su trabao e mester bay su cas. Kiko tur e mayornan lo mester pensa cu si t'asina e educadornan di nan yiu ta actua y pensa? Esaki t'e hendenan cu mañan bo mester confia bo yunan cu nan?

Hopi bon propaganda pa nos isla y ta dunando Hulanda un bon ehempel cu aki ta fiesta so nan sa y trata pa cobra lo maximo den un record di tempo p'asina anan por drecha nan economia riba custia di e pueblo aki.

Ta bira tempo pa cuminsa realisa cu ta un manera so tin pa sali di e problema nan aki y esey ta loke Hulanda tambe ta bisando pa años caba.

Esta baha gasto y no keda trata na hisa entradanan so pasobra asina niun inversionista lo no tuma nos na serio y riba dje Aruba lo no ta atractivo y no ta duna e confiansa pa inverti.

Wak un Minister cu ta muestra di ta serio, pero ta bay Parlamento splika cu e mester mas plaka p'e por nombra algun profesional pa hasi trabao pe, aki bo ta mira e mentalidad.

Si abo como Minister ta haya cu e empleadonan cu bo tin no ta adecuado, e ora bo lo mester reemplaza nan y no añadi mas y mas mientras cu no tin plaka.

Con bo kier paga debe si contantemente bo ta sigui aumenta

bo gasto y keha cu plaka no ta yegabo? Mi ta sigur cu e Minister aki lo a actua otro si tabata su propio oficina caminda cu e mes mester paga e salarionan di su propio empleadonan.

Dicon no por dicidi di cuminsa actua como debe ser y reemplaza esnan cu no ta apto pa nan funcion pa otronan cu si ta apto?

Loke ta sosdiendo awor mi ta yama carga awa hiba lama, pasobra e no ta sali di bo sako lo no trese niun solucion, ta dijies trese algo dilanti pa enrikece amigonan riba custia di e pueblo cu ya no por carga e peso.

Esey t'e motibo cu bo a bira politico y prminti cielo y tera pa bo haya posicion pa unabez den e stoel sigui cu e mesun fiesta?

Unda nan consenshi a keda???? Corda cu mas sigui tolera esaki, boso tambe ta bira complice di e fracaso di e futuro di e proximo generacion riba e isla aki.

Kizas lo bira tempo pa cuminsa investigashon penal contra esnan cu a huramenta pa hasi algo y no ta cumpli cu loke nan a huramenta pe? Esaki no ta perhurio????

R.A.B.M.S.

ANUNCIO

SETAR ta informa cu pa motibo di trabounan ariba nos mast situa na Sero Pita lo bay tin degradacion di e cobertura di e Mobile Network. Esaki lo tuma luga **diasabra 9 y diadomingo 10 di april 2022**.

Area afecta ta:

- Sero Pita
- Piedra Plat
- Tamarijn
- Ayo
- Matividiri
- Bloemond
- Cashero

Nos disculpa pa cualkier inconveniencia.

 SETAR

Parlamentario Marco Berlis (MEP):

AVP no ta mira e necesidad pa Gobierno ofrece pueblo un opcion di gasoline di un calidad y prijs mas economico

AVP tratando pa continua cu sembramento di pobresa hasta awor cu nan ta den Parlamento!

Mundo henter ta observando di cerca e desaroyonan desastroso di e guerra cu Rusia a cuminsa en contra di Ucraina algun siman pasa. E guerra aki a causa inestabilidad y preocupacion global den diferente area. Un di e desaroyonan negativo aki ta e aumento den e prijs di e bari di petroleo. E subida di petroleo ta subi e inflacion local y global grandemente ya cu transport, produccion di energia y producto ta subi considerablemente cu e aumento aki.

E desaroyo aki sigur no ta faborece nos pais cu na e momentonan aki ta pasando den un crisis severo causa pa e mega-debe cu sr. Eman a laga atras pa nos tur paga 90 miyon florin anualmente te cu 2049. Ademá e pandemia a haci cu pais Aruba mester a cera su fronteranan y nos economia a colapsa grandemente lagando pais cu un deficiencia di entrada di cientos di miyones, cual nos mester a bay presta na Hulanda pa mantene pais y pueblo na bida economicamente. Nos tur ta corda bon cla con decisionan dificil a wordo tuma e tempo ey pa salvaguardia salud di nos pueblo contra un virus cu a terrorisa mundo henter.

Ta enbista di e crisis aki mi a sugeri pa sondea e posibilidad pa bin cu un calidad di gasoline na un mihor prijs. E beneficio di esaki ta cu pueblo e ora lo por scoge cual tipo di gasolin e ta desea pa usa y asina tambe por tin e poder pa resta mas placa di su presupuesto personal pa otro gastonan personal. Tambe e mocion ta sugeri pa sondea e posibilidad pa wak si e stacionnan di gasolin tin e capacidad di pone un tanki mas den suela pa acomoda e gasolin diferente aki. Pueblo por conta cu mi, cu apesar cu mi ta parlamentario di nos pais, mi ta sigui sondea y pensa riba posibel solucionnan. Aruba mester di plannan cu tin e poder pa sigui impulsa y fortalece nos pais. Aruba ta di nos tur y hunto nos por logra recupera nos economia y nos pais!

Lamentablemente un biaha mas e fraccion di AVP, cu ta grita dia y nochi cu alma y cuerpo riba caya, den rueda di prensa, cu nan kier wak Aruba sali for di pobresa, cu nan ta luchando pa pueblo, a vota CONTRA di e mocion importante aki. Lo ta bon pa simpatisantenan y pueblo en general puntra sr. Mike Eman pakico a vota CONTRA mocion 4 y wak si su splicacion ta satisface bo! E hipocrecia constante di sr. Mike Eman ta cu enberdad e kier sigui sembra chaos, y discordia, bisa nada ta bon y no ta aporta na solucion berdadero y concreto tampoco. Tur hende conoce AVP su situacion bergonsoso di mentira y corrupcion. Mike Eman no ta preocupa si pueblo ta sufri pa via cu e y su fraccion a vota CONTRA di un solucion pa e pueblo di Aruba.

E votonan anti-Arubano aki ta bon documenta y publica na varios ocasion den e medianan social. Sr. Mike Eman lo haci cualkier cos basta nan por drenta gobernacion atrobe! Si esey kiermen perhudica Aruba y purba stop gasoline mas barata yega Mercado di Aruba, Mike Eman a haci'e caba!



Pesey enbes di yuda empodera e pueblo financieramente, un biaha mas nos por wak cu AVP y Mike Eman su accionnan ta papia hopi mas cla cu nan hopi mentiran! Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper, sin nada di sconde!



CENTRALE BANK VAN ARUBA

BEKENDMAKING

Ingevolge artikel 14b lid 2 van de Landsverordening toezicht verzekeringsoverheidsbedrijf (AB 2000 no. 82) (Ltv) maakt de Centrale Bank van Aruba hierbij bekend dat zij – op grond van artikel 14a lid 2 van de Ltv – bij beschikking d.d. 23 februari 2022 toestemming heeft verleend aan Coralisle Group Ltd. om (indirect) een gekwalificeerde deelneming te verkrijgen in Massy United Insurance Aruba N.V.

Oranjestad, 8 april 2022

SUPER Do it Center.

Bo Famia Pa Semper!



HOT ITEMS

OFFER VALID FROM 08 APRIL - 14 APRIL 2022 AND WHILE SUPPLIES LAST.

Weekly SPECIALS Weekly SPECIALS



Pollock Salted Boneless 1lb

\$11.99

Each

SPECIAL OFFER



Melon Cantaloupe

\$2.99

Each

SPECIAL OFFER



Flanksteak Brasil

\$15.99

Per KG

SPECIAL OFFER



Uncle Rays Hot Potato Chips 4.5oz

\$3.25

Each

SPECIAL OFFER



Chicken Legs Skinless

\$5.49

Per KG



Tenderloin Brasil

\$30.99

Per KG



U.S. Porkloin Steaks

\$11.99

Per KG



Chicken Drumnets

\$8.99

Per KG



U.S. Pork Cutlet Gold Breaded

\$13.99

Per KG



Asparagus

\$4.99

Bundle



Tomatoes Regular

\$5.99

Per KG



Muenster Cheese

\$1.95

100 GR



Edam Loaf Cheese 40-

\$1.19

100 GR



Italian Prosciutto Ham

\$4.69

100 GR



Shrimps Black Tiger 1KG

\$26.99

Each

SPECIAL OFFER



Toufayan Onion Bagel 20oz

\$5.29

Each

SPECIAL OFFER



Brinta Ontbijt Classic 500gr

\$4.49

Each

SPECIAL OFFER



Kelloggs Corn Pops Cereal 10oz

\$9.99

Each

SPECIAL OFFER



Karo Syrup Blue Label 16oz

\$5.99

Each

SPECIAL OFFER



Chocolade Broodje

\$0.99

Each

SPECIAL OFFER



Croma Bak en Braad 250gr

\$7.25

Each

SPECIAL OFFER



Garlan Roomkaas Kruiden 150gr

\$3.09

Each

SPECIAL OFFER



WH Honey Organic Bear 12oz

\$6.69

Each

SPECIAL OFFER



Sence Handsoap Pump Tropical Fruit 500ml

\$2.49

Each

SPECIAL OFFER



Head & Shoulders Citrus Fresh 500ml

\$7.99

Each

SPECIAL OFFER

Minister Rocco Tjon:

A inicia cu reunionnan di un plataforma nobo esta "Social Veiligheidsberaad"



Diahuebs mainta a tuma luga e prome reunion pa loke ta e grupo cu ta forma parti di e "social veiligheidsberaad". Un plataforma di dialogo nobo, cu Ministerio di Husticia y Asuntonan Social a introduci y tin como meta pa trece e dos veldnan esta; husticia y asuntonan social, mas serca di otro. Segun Minister di Husticia y Asuntonan Social Sr. Rocco Tjon, e plataforma aki lo bay percura pa ambos veld por delinea procesonan mucho mas miho pa asina eleva e bienestar y e siguridad pa esnan cu tin mas mester di dje.

Segun e mandatario, E plataforma aki ta consisti di departamentonan cu ta representa ambos veld, entre otro Ministerio Publico y Cuerpo Policial, pero tambe Centro Ortopedagogico, Departamento di Voogdijraad, Fundacion Guiami, Bureau Sostenemi, Departamento di Asuntonan Social y Family Justice Center. E plataforma di dialogo aki ta hopi importante pa asina por delinea procesonan mas miho pero tambe comprende otro mas miho. E plataforma aki lo percura pa logra mas y brinda mas siguridad na esnan cu tin mester di esaki.

Pa medio di e plataforma aki lo trata tematicanan riba nivel strategico, entre otro topiconan den cuadro di tratadonan cu nos mester atene nos mes na dje como pais Aruba. Banda di esaki lo trata partinan mas practico tambe, por ehempel ora cu casonan presenta caminda e departamentonan ta haya nan mes confronta cu retonan, lo purba yega na palabracionnan strategico, caminda e procesonan di un instancia ta alinia y ta wordo delinea mas miho cu esun di e otro instancia.

Henter e cadena di husticia y asuntonan social ta traha pa eleva e bienestar y siguridad pa esnan cu tin mas mester di dje. Tin ta haci esaki door di señala ora cu tin un problema, percura pa e caso ey wordo traspasa pa un otro departamentu cu ta bay haci e investigacion, y tambe percura pa pasa e informacion pa e departamentonan cu ta encarga cu e parti

di ayudo y e "nazorg". Pa e motibo aki, e ta importante pa e tres pasonan den e proceso aki ta hopi bon alinia na otro.

Por ultimo, minsiter Tjon a indica cu a haci palabracionnan concreto, caminda lo bay bin cu un grupo di piloto cu ta bay consisti di profesionalnan di cada departamento. Ta trata aki di un ekipo multi-disciplinario, caminda dentro di poco, despues di a atende cu algun casonan specifico, lo bin cu un nota di recomendacion, caminda lo percura pa ahusta procesonan caminda ta necesario, pa asina mas y mas ful e cadena por traha na un forma mas uniforme.



CENTRALE BANK VAN ARUBA

Results of the
Government of Aruba
Treasury Bills issue: Afl. 40,000,000.00
April 7, 2022 – July 7, 2022

Ingevolge artikel 14b lid 2 van de Landsverordening toezicht verzekeringsbedrijf (AB 2000 no. 82) (Ltv) maakt de Centrale Bank van Aruba hierbij bekend dat zij – op grond van artikel 14a lid 2 van de Ltv – bij beschikking d.d. 23 februari 2022 toestemming heeft verleend aan Coralisle Group Ltd. om (indirect) een gekwalificeerde deelneming te verkrijgen in Massy United Insurance Aruba N.V.

Oranjestad, 8 april 2022

Parlamentario drs. Mervin Wyatt-Ras (AVP):

Desapunta di e falta di interes di esnan cu ta sostene Gobierno pa asunto di creche y mucha special

Durante Conferencia di prensa di partido y fraccion di AVP, drs. Mervin Wyatt-Ras a trece padilanti cu e ta lamenta con tratamiento di presupuesto di anja 2022 a bai. Dicho tratamiento a encera 5 dia.

E Nota di Contesta ariba preguntanan di parlamentarionan (nota naar aanleiding van het verslag) a ser entrega un dia prome cu e Reunion Publico, locual ta normal pa e gobierno aki di cual dolor di nos pueblo no ta su prioridad. Mervin Wyatt-Ras a trece padilanti cu ta trata di un presupuesto sin vision ni proyectonan concreto describi. Un presupuesto como ehecucion di landspakketten. Un presupuesto cu a ser entrega super laat. Un presupuesto yen medida manera BTW di 6-16%, landsbijdrage di AZV cu gobierno lo no paga mas y recorte obligatorio di 12.6 den salario di ambtenaar y semi-ambtenaar. Tambe lo cobra comerciante chikito un suma total di 49 miyon di salaris subsidie cu a ricibi di mas. Ta trata pues di un presupuesto cu a haya un "dikke onvoldoende" di Raad van Advies y CAft paso enbes di baha gasto a subi gasto di goederen en diensten cu 43.7 miyon en comparacion cu 2020 y 27.5 miyon en comparacion cu 2021. Gobierno mester a drecha e presupuesto prome cu mande pa Parlamento, sin embargo gobierno no a haci esaki.

Durante tratamiento por a nota cu ministernan minister di finanzas y asuntonan general no a gusta cu ta haya critica. Den ronde di contesta di ultimo reunion nan a keda grita y papia di otro gobernacionnan, excepto duna cuenta di nan propio gobernacion. A yama tur hende pa nomber ofensivo, sin bisa kico na mes ta bin cu proyecto nobo of inovacion pa Aruba. E minister cu a resalta pa su positivismo tabata Geoffrey Wever. Gobierno no a presenta nada nobo den un situacion alarmante financiero-economico di nos pais, pa cual nos pueblo tabata pendiente di un noticia alentador. Costo di bida a subi drastico. Cifras di CBS ta indica cu e bestaansminimum esta e minimo pa por biba di dje di un famia di 4 persona na 2017 tabata 4.338 florin mientras cu awor esaki ta 4.920 florin, cual ta un subida di casi 600 florin, mientras e gastonan a subi mas cu 600 florin. Pronto cu introduccion di BTW e espacio den cartera di cuidadanonan lo bira mas preta. Nos hendenan ya caba ta den un situacion sin perspectiva, no tin pan pa pone riba mesa di nan famia, no por cumpli cu debenan di awa, coriente, telefon, huur of pago di cas y di auto. No por paga debe, ni tin placa pa pone gasoline ya cu prijs di gasoline ta sigui subi, hasta prijs di pan lo subi y tin cu paga mas pa recohe sushi. Un djies enbes di yuda nos cuida medico lo introduci e di 3 wave di eigenbijdrage di AZV dor di cual nos cuidadanonan mester bai paga na specialista, na botica, pa haci test, na Spoedeisende Hulp y na Huisartentpost. Cu austerisacion di lista positivo lo bira mas caro ainda pa p.e. un mama hiba su yui specialista paso lo tin cu bai paga entre 40 pa 100 florin of kizas mas ora busca remedi tambe cu no ta riba e lista positivo dor di austeridad. Tabata di spera cu awe dia mundial di salud gobierno lo por a anuncia un alivio pa nos pueblo pero ta keda para riba medidanan mientras otro paisnan si ta sostene cuida.

Fraccion di AVP cu semper a para na banda di nos pueblo a presenta un presupuesto alternativo pa duna nos pueblo alivio den e situacon actual. E alternativenan presenta ta pa trece alivio serca nos cuidadanonan paso mas placa nos cuidadanonan tin den cartera mas liher nos economia lo recupera. Nan ta: 1. elimina 12.6% di recorte serca personal publico y semi-publico, 2. elimina medida den cuida di eigenbijdrage y vul aan e contribucion di gobierno na AZV na 24 miyon florin, 3.

garantisa ensenansa pa un y tur dor di sostene SKOA cu 1.5 miyon pa no mester kita werkster ni hisa cobransa di schoolgeld, 4. introduci un bijstand pa famianan cu muchanan special di 0-16 anja cu ta ensera 400 hoben pa total 2 miyon florin, segun articulo nobo 8a. di e ley di Maatschappelijke Zorg.

Pa loke ta trata e bijstand na muchanan cu limitacion sea fisico y/of mental Wyatt-Ras hunto cu lider di partido Mike Eman a presenta un cambio den ley na minister di Asuntonan Social y di Husticia y no a haya reaccion. E ayudo aki ta pa sostene mayornan na momento cu nan tin cu haci un test cu nan yiu special, pa paga terapia cu no ta ser cubri, pa paga pa cuminda special pa medio di sonde cu ta sali casi 900 florin pa luna, pa cumpra un rolstoel, paga bus pa nan yiu por ser biba cu un rolstoel skol paso esaki no ta ser cubri. Tambe pa paga pa pampers, pa trece cierto adaptacion na cas y pa paga un hende pa wak pa e yiu. Varios mayor di cu tin yiu special no por laga nan yiu niun caminda dor di falta di guia adecuado y ta haya nan mes obliga di kita for di trabou y no por ni sali for di cas. Si berdaderamente nos kier traha na inclusion aki tin un caminda pa cana. Wyatt-Ras ta haya lamentable cu e coleganan cu ta sostene gobierno di Mep y Raiz no a muestra interes den e presupuesto alternativo ni e aspecto di ayudo pa mucha special.

Wyatt-Ras a keda desapunta alabes di e falta di interes y sosten pa e mocion cu el a presenta hunto cu su coleganan di fraccion di AVP cu sosten di fraccion di MAS y Accion 21, cual ta ensera implementation di e ley di creche di anja 2017.

Eric Ras (Curpa):

Un voto di confiansa pa partido Curpa ta un voto pa un caminda husto pa nos pueblo

Amor pa nos patria ta existi ainda? Nos por bati riba nos pecho y grita cu Aruba ta nos barranca tan stima? Nos por bisa cu Dios lo guia y conserva nos amor pa libertad? Aruba su economia durante e ultimo 5 añanan tabata tin un crecimiento economico? Despues di e cierre di nos refineria nos a busca un otro pilar economico? Un cantidad di pregunta cu lamentablemente constestan negativo. Mal manejo y e pandemia a causa nos economia cay den otro y hasi nos esclabo di debe y tristo pa constata cu no tin ningun tipo di speranza cu e futuro lo por ta mihor.

Nos di CURPA den mas di un ocasion a expresa nos preocupacion pa e decadencia cu ta tumando lugar na Aruba. Nos a kiboka ora nos a kere cu no por pio, paso e reunion di tratamiento di presupuesto a demonstra cu ainda nos no a yega e fondo di e abismo. Con por tin confiansa den nos Parlamento cu ta e organo mas halto di nos pais cu mester duna nos pueblo e bon ehempel despues di a experencia un reunion bochornoso. Ta con bo ta bay cuminsa pone ordo na unda bo mes no tin ningun clase di etica ni respet. Si bo kier cambia mundo cuminsa cu bo mes.

Esnan cu mas ta sufri di tur locual ta pasando ta nos pueblo di Aruba. Ora prijs di producto a subi tur caminda na mundo y aki na Aruba ta pio paso casi tur cos ta importa. E costo di bida aki na Aruba a redobla. Hulanda ta papia di inflacion di 12% y aki na Aruba cuanto lo e ta? Un peso grandi riba lomba di pueblo di Aruba lo bay ta introduccion di tur e medidanan hinca den landspakket cu gobierno a firma dia 13 di November 2020 caminda cu a entrega nos Status Aparte. Minister president e tempo ey a bai scondi Hulanda y a firma scondi entregando nos autonomia. E 12-8 ta keda chiquito compara cu coho. Parlamento no tin poder mas y awor ta coho ta manda. Esaki ta mesun cos cu Hulanda ta wordo goberna pa hendenan hinca Union Europeo.

Gobierno aki ta papia di mega debe pero ora di mira e berdad e colornan tin geel y berde. Si na año 2017 nos debe



nacional tabata na 70% di nos GBP awe nos ta debe ta na 128% di nos GBP. Si sigui fia e lo surpasa 130% di nos GBP y e presupuesto aki tin un deficit 290 milyon florin. Ta pidi pueblo sacrifica pero gobierno no conoce e palabra sacrificio. Nos di partido Curpa por a compronde cu schoolgeld lo bay subi cu 300%. Mayornan mester prepara pa un otro golpi. Nos no por spera otro di un gobierno comunista. Nan lema ta mesun cos cu di world economic forum "You own nothing and you will be happy. Esaki nos ta yama esclabitud moderno. Tanto gobierno di signatura geel como esun berde ta cu agenda 2030. Esaki ta tin control riba bo bida. Rond mundo pueblo su wowonan a habri y no ta acepta e dictadura comunista aki.

Partidonan politico ta campaña cu jen di promesanan y cu despues ta resulta un puñal den lomba di pueblo ora jega e momento di goberna. Un cos politiconan mester compronde cu ora bo ta den gobierno bo ta un administrador y no pa hasi y deshasi. Bo ta sinta riba un stoel caminda bo a hura pa sirbi interes general na prome lugar. Pueblo di Aruba ta momento pa cuminsa habri su wowonan. Ta tempo pa trese un cambio pa e direccion cu nos Aruba dushi terra bayendo y esaki ta den man di e pueblo di Aruba. Nos di partido ta kere cu pronto cu e gobierno aki ta bay cas. E luz di toren na Bushiribana a paga. Nos di partido Curpa ta puntra humildemente pa duna partido Curpa bo confiansa pa trese cambio di direccion di nos pais Aruba.

Prome Minister Evelyn Wever-Croes:

Conseho di Prome Minister na parlamentarionan hoben y nobo:

No colga na bachi biew di Mike Eman



Partido AVP sosteni door di oposicion, durante e reunionnan pa trata Presupuesto 2022, a presenta un mocion di desconfianza contra Prome Minister di Aruba. Durante su disertacion pa señala tur e mentira y erornan cu e carta di mocion di desconfianza ta contene, Prome Minister a conseha tur Parlamentario hoben y nobo di oposicion especialmente esnan di AVP, pa no colga na bachi biew di Mike Eman enfatizando cu señor Eman no ta un bon ehempel pa sigui y mucho menos confiabel.

Esaki a wordo demostra varios biaha na unda cu señor Eman despues di a wordo derota den eleccion na 2017, a retira di liderazgo di su partido y a laga tur su votadonan na caya door di no asumi su responsabilidad den Parlamento. Tambe el a demostra cu e no ta di confia y debillagando pueblo na caya dia cu el a sinta yora y bebe Insure bou di un palo mientras cu e mester a subi avion y bay deal cu Hulanda.

Parlamento ta e organo mas halto di nos constitucion y ta hopi importante pa parlamentarionan nobo y hoben realiza kico ta pasando. E conseho ta keda pa nan pa no sigui tras di un lider cu a laga su votadonan y pueblo na caya y no core pone nan firma tras di un mocion cu nan no a lesa bon, studia y haci 'fact check' pa sa si di berdad e mocion ta na su luga. Esaki ta trabou di un parlamentario serio cu pueblo ta paga y pueblo ta spera cu cada parlamentario ta cumpli cu nan trabou.

Prome Minister a menciona cu e hecho cu den e mocion 35 tin poni cu kier mand'e cas pa algo di un otro minister, y e parlamentarionan hoben y nobo tambe a firma e mocion yen di eror, ta un muestra cu nan no a haci nan trabou di lesa y comprende y comproba si esey por. Pa e motibo aki tambe varios biaha durante su disertacion, Prome Minister

a conseha parlamentarionan hoben y nobo, especialmente esnan di AVP, pa nan tambe sea transparente y no pone nan firma unda cu ta, con cu ta y sigur no pa ken cu ta. Pa nan no colga na e bachi biew di Mike Eman pasobra nan lider aki lo laga nan cay y sigur no ta un bon ehempel pa sigui.

"Na tur e parlamentarionan nobo, pueblo a pone abo pa aplica y respeta constitucion y no core firma pa loco. Boso ta miho cu esey. Boso tin potencial y futuro pero boso no mester keda colga na e bachi di Mike Eman.

Laga esey p'e bieunan. Nan ta bay cu Mike pero boso ta nobo y pueblo tin speransa den su politiconan nobo. No laga pueblo na caya. Pueblo kier check and balances. Pueblo kier un Parlamento critico y no un di 'kip zonder kop'", Prome Minister a conseha tur parlamentario hoben y nobo di AVP.

Pa conclui Prome Minister a enfatiza: "Sed pa poder ta pone un politico haci cosnan straño y p'esey Mike Eman ta pone boso haci cosnan straño. Pero bis'e cu su sed pa poder, e deal cu ne. Boso ta aki pa sirbi pueblo. Boso tin interes pa yuda comunidad. Mi conseho pa boso ta keda pa no keda colga na bachi bieu di Mike Eman pasobra Mike Eman lo laga boso cay".

AVB ta lansa un tremendo campaña

E aña aki FIFA Museum na Zurich lo tin un exhibicion special di e 211 Miembronan di FIFA pa asina celebra e historia y cultura di futbol rond di mundo. E exhibicion lo habri pa publico tanto den e periodo di FIFA World Cup Qatar 2022™ como tambe durante di e FIFA Women's World Cup Australia & New Zealand 2023™.

Kico bo mester haci pa participa den e bunita campaña aki unda bo obheto di escogencia lo por ser poni den e FIFA Museum?

Scoge un obheto interesante cu ta conta un storia unico di futbol y cu bo ta desea pa ser comparti cu mundo. Bisa dicon bo escogencia y pakico e ta forma parti di e cultura di futbol di Aruba y dicon e ta importante. Por pensa riba por ehemplo riba un obheto unico cu abo como fanatico di futbol tin of algo unico



ARUBAANSE VOETBAL BOND

tocante di futbol femenino.

Trece bo obheto y contestanan na oficina di AVB prome cu 30 di april y diabierna 6 di mei lo saca e feliz ganador(a).

E feliz ganador(a) lo gana un T-shirt oficial di e seleccion nacional, un bala di futbol di AVB, dinner pa dos persona y bo obheto lo ser manda pa FIFA Museum na Zurich na unda si nan gusta bo obheto e lo ser poni den nan exhibicion temporario y cu e posibilidad tambe di wordo poni den otro exhibicionnan rond di mundo.

Eric Wente a ofrece un lectura special di Wine Tasting na studiantenan di EPI

Arion Wine Company, compania local di biña cu ta distribui pa Wente Vineyards, e compania di biña di mas bieu y continuamente opera di famia na Merca, ta organisa un tasting anual di cuater diferente biña. E evento ta tuma luga na EPI brindando studiantenan culinario algun conocimiento den e arte noble di traha biña.

E studiantenan ta afortuna di por wordo instrui por medio di un creador di biña di cuater generacion, Eric Wente, kende a transiciona pa Chairman Emeritus, na 2021, despues di 43 aña si servicio na cabes di e compania, sosteniendo e di cinco generacion cu awor ta maneha e negoshi di famia.

Wente a brinda un presentacion interesante, elaborando riba 2020 Louis Mel, Sauvignon Blanc, Livermore Valley, California; 2020 Morning Fog Chardonnay, Central Coast, California; 2018 Riverbank Riesling, Arroyo Seco, Monterey California, and 2019 Southern Hill, Cabernet Sauvignon, Livermore Valley, California.

El a papia cu studiantenan tocante e passion y ciencia di crea biña, tambe educando su audiencia hoben riba e proceso, incluyendo e forma di e boternan, colornan tipico di biña, nos taste buds,



como tambe e importancia di nos nanishi. El a expande tambe riba agricultura sostenibel for di irigacion te na weeding. El a despues describi e plantamento, harvest y metodo de-taya di crea biña, incluyendo algun tips di cua cuminda por combina cu nan.

Wente tin mas cu dos decada ta bishita nos isla manera host di un torneo di golf, pa 16 di nan caba. Mientras cu e ta stima e torneo di golf diseña pa recauda fondo pa un caridad di e isla, nunca e ta faya den bishita e scol y raporta encuentronan anualmente cu studiantenan di EPI manera su actividad di mas favorito ora e ta riba e isla.

Como Merca su prome famia di biña, e contribucionnan di Wente na e industria di biña na California ta hopi, y Eric ta gusta comparti su conocimiento y su experiencia amplio cu e generacion mas jong, na Aruba Vocational School.

Den e imagen aki por mira un ora memorabel na e scol cu Eric Wente, conduciendo un wine tasting cu Arion Wine Company.

Stichting Parkietenbos: Auxilio, ta basta! cera dump pa taira awe!

E huma ta esun mas venenoso, pisa y cu ta keda mas largo den medio ambiente

Atrobe nos por a mira diahuebs merdia cu Dump di Parkietenbos ta for di control. Algun luna pasa ya un cantidad di taira a kima y awor atrobe. No por ta asina cu ken cu ta por subi riba tereno di Dump y sende candela y despues e habitantenan di bario, turismo y economia di Aruba ta wordo perhudica. Gobierno di Aruba mester tuma un decision pa cuida salud di comunidad y no sigi permiti un situacion peligroso cu ta menasa salud publico sigi tuma lugar. Huma di taira kima ta esun mas venenoso, cu ta mas pisa y ta keda mas largo medio ambiente, dicen e ora ta laga sigi acumula taira ey riba. Gobierno mester bin cu un solucion a corto plazo pa organisa tur e importadornan di taira y hunto cu nan pa bin cu un proceso unda e taira uza ta wordo ser colecciona y warda, si por den container, manera cu nan ta drenta Aruba. Cada un of dos luna un enorme cantidad di taira segunda mano y nobo ta drenta Aruba y despues e barionan y pueblo di Aruba tin cu soporta huma venenoso, canceroso di taira kima, no por, ta basta!



Soraida Lake a cumpli 30 aniversario den servicio di gobierno

Riba 6 di april 2022, Servicio Informativo di Gobierno (Bureau Voorlichting -BUVO) a celebra e di 30 aniversario di nan colega stima, Soraida Lake.

Soraida Lake a drenta den servicio di gobierno na Luchthavendienst, actualmente conoci como Aruba Airport Authority na 6 di april 1992, den e funcion di Public Relations & Marketing Officer. Despues Soraida a cuminsa traha na Departamento di Labor. Di eynan e la bay traha na DINA (Awor conoci como DIMAS). Na 2004 a cuminsa labora na Bureau Voorlichting (BUVO) como Medewerker Communicatie en Voorlichting.

Soraida ta caracteriza di semper duna un servicio optimal na nos clientenan. Semper ta bay e extra mile y ta pone su mes den e sapato di e ciudadano of turista cu ta pidi servicio of producto di gobierno. Ta yuda guia e ciudadano of persona biba den exterior con pa haya e servicio of producto desea. Pa Soraida, e ciudadano tin derecho riba y merece



un servicio di calidad halto. Soraida ta un trahado ehemplar, cu ta gusta tuma iniciativa y bin cu ideanan innovativo. Semper cla pa ayuda su coleganan y tambe ta guia y yuda coleganan di otro departamentonan. Nan tur departamento cu Soraida a traha, e la sa di conkista aprecio y respet di su coleganan. Nos ta desea Soraida hopi exito y salud den su trayectoria profesional.

Prome Minister Evelyn Wever-Croes:

Opositornan di AVP no tin autoridad moral pa manda Prome Minister cas

Diamars e Parlamentario di AVP señor Ryçond do Nascimento a presenta Moción number 35 durante e reunion pa trata Presupuesto 2022 den Parlamento. Un mocion di desconfianza contra Prome Minister Evelyn Wever-Croes cu a wordo sosteni y firma pa tur miembro di oposicion.

Mocion basa riba mentira

Prome Minister na inicio di su disertacion pa elabora riba e mocion aki, a splica e seriedad di un mocion di desconfianza por lo tanto a considera importante pa analisa cada punto cu a wordo treci den e mocion na unda a constata cu pa cuminsa, e ta un mocion basa riba mentira y informacion incorrecto.

Sinembargo, oposicion su meta y mas ainda e deseo ferviente ta biba den nan pa manda nos Prome Minister cas. Mirando cu den Moción 35 no ta basa riba berdad, ta keda e pregunta e ora cu ki autoridad Parlamentarionan di oposicion tin pa manda nos Prome Minister cas.

Trabounan anterior di Prome Minister

Splicando, Prome Minister a duna di conoce cu semper e ta un persona cu a traha cu dedicacion y semper ora di compromete su mes na un trabou, e ta haci'e completamente bon pasobra e ta traha cu alma y cuerpo.

Esaki a pone cu tur caminda unda cu el a traha, tanto su coleganan y hefenan tawata apreci'e y ora di bay y bandona e trabou, el a bay cu bon pia y e sa cu nan a wak e bay cu duele. Unda cu el a traha, el a laga aprecio y respet atras.

Ryçond do Nascimento a laga conflicto atras den trabou anterior

E Parlamentario cu a entrega e mocion aki, señor Ryçond do Nascimento no por bisa mesun cos pasobra el a bay laga conflicto atras na Universidad di Aruba. Y esaki, dos biaha señor do Nascimento mes a constata ora cu e kier a coregi Prome Minister.

Esaki ta haci cu e Parlamentario aki no tin autoridad moral pa manda Prome Minister cas.



Oposicion di AVP no tin autoridad moral

Esaki tambe ta conta pa e Parlamentario cu no por ni sikiera drenta Merca y net e tambe a firma pa kita Prome Minister for di trabou pasobra no tin confiansa. Prome Minister a pasa screening pa bira Minister, Parlamentario Benny Sevinger ni Mike de Meza no por pasa screening.

Prome Minister no ta den 'bestand' di MOT mientras cu e ex prome minister Mike Eman si ta den 'bestand' di MOT pa ricibi donacion di 50 mil dollar.

"Mi ta puntra mi mes si esakinan di AVP y otronan di oposicion cu mi ta laga na cada ken nan consenshi cu a firma, tin e autoridad moral pa manda hende cas mientras nan mes ta den yen di bagamunderia", Prome Minister a haci e pregunta.

Un Prome Minister cu ta duna transparencia

Prome Minister a menciona cu e mocion di desconfianza ta papia na final di falta di transparencia. Riba e punto aki Prome Minister a expresa:

"Ami ta e unico minister den tur e gobernacionann na Aruba desde 1986 cu tur aña ta traha un relato anual (jaarverslag) di trabounan di ministerionan cu ta resorta bou mi maneho y ta mande Parlamento y ta publica esaki pa henter Aruba tin acceso na dje.

Awor ki señal boso ta manda pa gobernantenan pa futuro? Boso ta bisando nan stop di ta transparente?"

Prome Minister a enfatiza cu semper, desde cu el a tuma mando di nos pais over, el a duna transparencia di su maneho. E ta e minister di Gabinete Wever-Croes cu mas tawata den Parlamento durante di pandemia.

Esaki ta un muestra, cu e mocion di desconfianza presenta no ta cuadra cu realidad. Pero transparencia den tur caso, no ta algo cu especialmente esnan mas biew den AVP sa kico e ta. E deseo di opositornan pa manda Prome Minister cas, ta un deseo politico y sigur no ta pa falta di transparencia di parti di Prome Minister.

Pa Partido MAS 'walk the talk' no ta conta ora ta trata integridad

Mientras Lopez-Tromp a bisa e ta bringa corrupcion, el a vota contra ley di iniciativa di integridad

Un frase hopi conoci cu a wordo uza hopi durante tratamento di Presupuesto 2022 den Parlamento siman pasa ta 'Walk the Talk'. Opositornan a uza e frase aki manera ta nan ta e gran inventornan di e dicho aki apuntando un dede riba Gobierno mientras cu nan ta apunta tres dede riba nan mes.

Pero momento cu nan haya e oportunidad pa pone nan palabranan den accion, 'walk the talk', nan a demostra berdaderamente e caminda cu semper nan a cana manera spiritu ta busca ken nan por spanta.

Durante tratamento di presupuesto, Fraccion di MEP, sosteni door di Parlamentarionan di RAIZ, a presenta un mocion hopi importante cu e speransa cu esaki lo haya aprobacion unanimente di Parlamento mirando cu ta trata integridad y tambe pasobra e reunion aki a wordo pasa live riba diferente medionan social y canal 46 di television.

Un tema cu a wordo menciona durante henter e tratamento di Presupuesto 2022. Sinembargo, oposicion, dilanti miles di seguidornan di e reunion, a vota contra e mocion aki mustando cu di berdad nan no ta 'walk the talk' manera nan kier pone pueblo kere.

Mocion MEP-RAIZ

E mocion cu Fraccion di MEP a presenta, sosteni door di Fraccion di RAIZ, ta pa Parlamento concipia un ley di iniciativa cu lo percura pa salvaguardia e imagen di Parlamento pa asina ningun politico corrupto of sospecha di corrupcion por bira parlamentario. Un ley cu base amplio di integridad.



| STATEN VAN ARUBA STEMMING | | |
|--|------------------------------------|-------|
| AGENDAPUNT: 1 Ontwerp-landsverordening tot vaststelling van de begrotingen van de ministeries van het Land voor het dienstjaar 2022 (HS/74/201-22, d.d. 22 februari 2022) (ZJ 2021-2022-970) | | |
| VERGADERING NO: 22 D.D. 5 april 2022 (voortzetting) | | |
| MOTIE NO. 40, FRACHTIE MEP-RAIZ | | |
| | VOOR | TEGEN |
| 1. | mr. E.G.A. Vrolijk | ✓ |
| 2. | M.A. Berlis | ✓ |
| 3. | L.J. Christiaans-Yarzagaray, M.Sc. | ✓ |
| 4. | D.B. Gudez-Erasmus | ✓ |
| 5. | A.S.C. Molina | ✓ |
| 6. | H.W.G. Tevreden, B.Sc. | ✓ |
| 7. | R.A. Hoek, MA | ✓ |
| 8. | S.M. Tromp-Lee, B.Ec. | ✓ |
| 9. | dr. A. Valjejo | ✓ |
| 10. | mr. G.L. Croes | ✓ |
| 11. | mr. drs. A.L. Dowers | ✓ |
| 12. | mr. M.G. Eman | ✓ |
| 13. | ing. M.F. de Meza | ✓ |
| 14. | mr. dr. R.R. Santos do Nascimento | ✓ |
| 15. | O.B. Sevinger | ✓ |
| 16. | drs. M.G. Wyatt-Ras | ✓ |
| 17. | R.M.J. Raymond | ✓ |
| 18. | B. de Vries | ✓ |
| 19. | A.A. Gunn | ✓ |
| 20. | drs. M.J. Lopez-Tromp | ✓ |
| 21. | M.J. Mansur | ✓ |

UITSLAG STEMMING | VOOR: 21 | TEGEN: 0

MAS a vota contra

Lamentablemente, e mocion aki no a haya aprobacion di e banda cu aparentemente ta sostiene corrupcion den Parlamento. Te hasta e 'ghostbuster' di Parlamento, Marisol Lopez-Tromp y su colega di partido Aquanette Gunn a vota contra e ley di integridad aki. Ta cu ki cara Parlamentario Lopez-Tromp lo papia di busca spiritu awo? Cu ki cara e lo bay papia di integridad despues cu el a haya e oportunidad pa mustra cu e ta 'walk the talk', a vota contra e ley di iniciativa aki.

Lopez-Tromp desde cu a wordo kita di ta minister pa Gabinete Wever-Croes I, a acusa Gobierno di corrupcion sin cu el a presenta un prueba. El a tuma e tempo pa 'talk' sin 'walk'. El a papia su alma voorbij pero nunca a mustra cu accion loke e tawata papia. Pasobra tur e spiritonan cu el a bisa cu el a encontra, a resulta di ta esnan yega na dje mes. Awo cu di berdad e por a mustra na ki banda e ta para y bringa corrupcion, el a brasa e persona corrupto cu mas a pone Aruba su cara na berguensa. Partido MEP, ta felicita Fraccion di MEP y Fraccion di RAIZ den Parlamento cu e ley di iniciativa aki. Cu e ley aki, politiconan cu ta sospechoso di actonan penal, no por por bira Parlamentario mas manera awo ta e caso di Parlamentario Benny Sevinger. E mocion a wordo aproba cu mayoria den Parlamento y pronto esaki lo ta angra den ley y nunca mas Aruba su cara lo wordo poni na berguensa ni local ni internacional pa motibo di politiconan manera Benny Sevinger y Marisol Lopez-Tromp y Partido MAS cu ta brasa corrupcion duro.

Turista Mericano a hoga na Directeursbaai

WILLEMSTAD - Djaweps 7 di april 2022 alrededor di 14.03'or, Sentral di Polis a risibi informashon tokante di un kaso di hogamentu ku a tuma lugá na Directeursbaai. For di investigashon preliminar a sali na kla ku tres (3) amigu di nashonalidat Mericano a bai sambuyá n'e playa ariba mencioná.

Na dado momentu a perde un di nan for di bista i a kuminsá puntra deskonosinan si talbes por a mira e hòmber aki. N'e momentu ei a mustra nan un hòmber barika abou den awa,

keriendo ku e tabata sambuyando. Na momentu ku a aserka e persona aki, a repará ku e no tabata duna señal di bida i a tres'é kantu. Ambulans ku a presentá n'e sitio no por a hasi nada p'e hòmber aki. Dòkter di Polis a konstatá morto di e víktima aki. Riba òrdu di Fiskal di Ministerio Públiko a konfiská e kurpa sin bida pa mas investigashon.

AQUALECTRA I EAGLE LNG TA FIRMA PALABRASHON PA NEGOSHÁ SUMINISTRO DI GAS DURADERO PA PRODUKSHON DI ELEKTRISIDAT PA KÒRSOU



WILLEMSTAD –Djaweps 7 di April, durante un seremonia ofishal, Aqualectra N.V. i Eagle LNG Partners LLC a firma un Heads of Agreement, ku ta stipulá ku e kompanianan por kuminsá negosha relashona ku uso di gas duradero komo kombustibel pa produkshon di awa i koriente na Kòrsou.

Ta premirá ku e periodo di negosashon lo dura te mei mei di aña i despues ku a atkerí tur pèrmit nesesario e kompanianan lo kontinuá ku desaroyonan pa por suministrá gas komo kombustibel den e proseso di produkshon.

Esaki lo resultá den un bahada di e gas-tu relashoná ku produkshon i mantenshon, kual lo nifiká ku na momentu ku realisá esaki Pueblo di Kòrsou por spera un bahada di preis di awa i di koriente. CEO di Aqualectra N.V., señor Darick Jonis, i señor Filipe Pinto, Vice Presidente di Business Development di Eagle LNG Partners LLC a firma e Heads of Agreement den presensia di Minister di Desarojo Ekonómiko, señor Ruisandro Cijntje, Kònsul General di Merka señora Margy Bond, i partner i stakeholdernan. Señor Filipe Pinto di Eagle LNG Partners a splika ku “Eagle LNG ta kontentu di por hunga un ròl signifikante asina den e transishon ku Kòrsou lo pasa aden pa energia ku ta mas limpi, stabili konfiabel. Esaki especialmente durante pe-

riodonan di insertidumbre kaminda no por tuma sin mas ku kombustibel ta disponibel òf pagabel.”

Señor Pinto a añadí ku “E paso pa uso di gas natural riba un bunita isla ta posishoná Kòrsou riba e kaminda pa tin ménos efekto riba nos medioambiente, un paso aselerá aworakí dor di e transishon pa gas natural pa por generá energia.”

E Heads of Agreement ku a yega na dje ta resultado di un periodo ekstenso kaminda Aqualectra a investigá oportunitat pa usa gas komo kombustibel pa su produkshon di awa i di koriente na Kòrsou. Den 2021 Aqualectra a risibí ‘non-binding proposals’ despues di a hasi petishon pa informashon. Konsekuentemente Aqualectra a emití un petishon ofisial pa informashon pa medio di un petishon pa informashon pa ta mas transparente i pa tur partido interesá por haña mes un oportunitat pa entregá nan ‘non-binding proposal’ segun e informashon ku Aqualectra a rekerí.

Despues di a risibí 5 ‘non-binding proposals’, Aqualectra a kompará e opshonnan i a base di esei a kontinuá ku 2 kompania ku a sobresalí. Finalmente, Eagle LNG Partners LLC a keda skohé riba e kompania Promigas S.A. E.S.P. kual tabata e di dos opshon preferí pa suministro di LNG pa Kòrsou. E posibel kolaborashon entre Aqualectra N.V. i Eagle LNG Partners LLC por resultá den un bon sinergia, ya ku Eagle LNG aktualmente ta ofresé su servisionan na Aruba i na otro islanan den Karibe, kual por ta algu ku por krea un brùg entre Aqualectra i maneho di utilidatnan na Aruba pa kolaborashonnan den futuro entre e dos paisnan, pero tambe ku otro paisnan den besindario ku ta usa LNG komo un di e fuentenan prinsipal pa generá energia.

Esaki atrobe ta un gran paso tumá pa Aqualectra ku lo kambia futuro di suministro di awa i di koriente na Kòrsou pa medio di desaroyonan inovativo i duradero ku lo benefisiá komunidat di Kòrsou.

Meskos ku Kòrsou:

Hospitalnan Hulandes ta den problema serio debi na skarsedat di personal

Den e tempo aya Hesus a bay Sero di Oleifi. Su manice trempan El a bolbe bay tempel y henter pueblo a reuni rond di djE. El a cay sinta y siña nan. Doctornan di ley y fariseonan a trece un muhe cu nan a gara ta comete adulterio y pon'e para memey di tur hende. Nan a bisa Hesus:

"Maestro, a gara e muhe aki ta comete adulterio. Den nos ley, Moises a duna ordo pa piedra muhenan asina. Ma abo awo, kico abo ta bisa?" Nan a papia asina cu nE dijs pa pon'E cay den trampa y

haya algo pa acus'E di dje. Ma Hesus a sak abou y skirbi den tera cu su dede. Ora nan a sigui insisti cu nan preguntanan, Hesus a lanta para y a bisa e hombernan: "Esun di boso cu ta sin pica tira e prome piedra.

Despues El a bolbe sak abou y sigui skirbi den tera. Ora nan a tende loke El a bisa, nan a kita bay un tras di otro, esnan di mas edad na cabes. Nan a laga Hesus su so cu e muhe para keto bay ey. Hesus a hisa cabes y a bis'e:

"Señora, unda nan a keda? Ningun no a condena bo?" E muhe a contesta: "Ningun hende, shon!" Hesus a sigui bis'e: "Wel, Ami tampoco no ta condena bo. Bay y no sigui biba den pica."

Petishon pa pèrmit di artistanan no residensiá na Kòrsou

WILLEMSTAD - Departamentu di Pèrmit di Polis (U.B.W.) ta partisipá lo siguiente. Entrante djabièrne 8 di april 2022, tur petishon pa pèrmit di artistanan no residensiá na Kòrsou (asina yamá "Buitenlandse artiesten") mester wòrdu entregá mas tardá dos (2) siman, esta 14 dia promé ku e fecha riba kua e aktividat ta tuma lugár. E petishon aki mester wòrdu entregá na

ofisina di pèrmit di polis U.B.W. na Winston Churchillweg s/n. Tene na kuenta ku si e aktividat aki mester di un pèrmit pa evenementu (tambe), e petishon aki mester wòrdu entregá mas tardá kuater (4) siman, esta 28 dia promé ku fecha riba kua e aktividat ta tuma lugár (Komunikado no. 159/2022). E petishon aki (referiendo na e evenemento), mester wòrdu entregá na lokèt di pèrmit (vergunningenloket) na Eurobuilding situá na Saliña 127. E petishon aki (referiendo na e evenementu) mester wordu entrega na loket di permit (Vergunningenloket) na Eurobuliding situa na Saliña 127.

Hopi interes pa elekshon Presidente i direktiva nobo di CBV



WILLEMSTAD – Un kantidat grandi di miembro di CBV, e sindikato di personal den enfermeria a akudi awe mainta kaba pa vota pa presidente i tambe miembronan nobo pa direktiva di e sindikato. Camacho Andrade, Presidente di e Komishon di Elekshon, a bisa nos cu ayera mainta 10ór, e kantidat di 252 miembro di CBV a vota. En total 2056 miembro tin derecho di vota. E asistensia registra n'e urnanan, pa 10ór di mainta, ta konsidera satisfaktorio segun Andrade, kende a indika ku ta antisipa ku un kantidat grandi mas di miembro lo vota. "Semper ora ku por vota pa un Presidente nobo, e asistensia ta grandi", segun Andrade. Jhonsel Djaoen i Annaliza Mathilda, t'e dos kandidatonan postula p'e puesto di President. Kada tres

aña ta eligi un Presidente nobo. En total tin 6 urna, di kua originalmente dos ta mobile i na ultimo ora a buska un bus mas pa bai na algun lokashon kaminda ku tin miembro di CBV. E urnanan ta sera 4ór di atardi, mientras ku e urna na ofisina d CBV na Veeris ta sera 5ór di atardi. Un miembro di e Komishon di elekshon a biaha pa Sint Maarten, kaminda ku tambe tin miembro di CBV ku por vota.



Psalm 34:18

The Lord is near to the brokenhearted and saves the crushed in spirit.

Is with deep sympathy the MCCA Men of Aruba and the Wesley Men's Group extend our deepest condolences with the passing of our beloved member.



Bro. Reuben CRAIGG

We hereby like to express much strength to the wife, daughters, sisters, brother, aunts and uncles and all other family members and friends.

May loving memories of Bro. Reuben help you find peace.

May his soul rest in peace.

UN SNECHI DI PALABRA DI DIOS

DIADOMINGO DI RAMA 10.04.22 #358

Bendicion di rama prome cu procesion:


Lc 19, 28-40

I lect: Is 50, 4-7

Salmo 22

II lect: Fil 2, 6-11

Evangelio: Lc 22, 14 - 23, 56 (PASION)



Den e tempo aya Hesus a sigui cu su discipelnan den direccion di Herusalem. Ora E tabata cerca di yega e pueblonan Betfage y Betania, den bisindario dje sero cu nan ta yama 'Sero di Oleifi', El a manda dos discipel bay nan dilanti, cu e encargo: "Bay na e pueblo boso dilanti ey. Asina boso yega aya, boso lo haya un yiu di burico mara cu nunca ningun hende no a core. Los e y trec'e aki. Si un hende puntra pakico boso ta haci e cos ey, bis'e cu Señor tin mester di e burico." Ora nan a bay, nan a haya tur cos manera Hesus a bisa nan. Doñonan di e burico a puntra nan ora nan tabata los e burico: "Pakico boso ta los e burico?" Nan a responde: "Señor tin mester di dje." E discipelnan a hiba e burico pa Hesus, pone paña riba e burico y pone Hesus riba dje. Segun E tabata core riba e burico, e hendenan tabata habri paña abou riba caminda. Ora e tabata cerca di yega Herusalem, na bahada di sero di Oleifi, henter e multitud di discipel a bira masha contento y nan a cuminsa gradici Dios na bos halto pa tur e cosnan maraviyoso cu nan a mira. Nan tabata grita: "Bendiciona ta e rey cu ta bini den nomber di Señor! Paz den shelo y gloria na Dios den haltura!" Algun fariseo den e multitud a bisa Hesus: "Maestro, scual bo discipelnan!" Hesus a contesta: "Mi ta bisa boso: si nan keda keto, e piedranan mes lo grita!"

Palabra di Señor.

MENSAHE

Awe Iglesia ta celebra diadomingo di rama. Den marco di e celebracion aki nos tin un evangelio durante di bendicion di rama (Lc 19, 28-40) y despues Pasion di Hesus segun San Lc 22, 14 - 23, 56. E dos evangelionan aki ta crea cierto contraste. Prome ta mustra entrada triunfal di Hesus pa Herusalem y ta subraya un euforia di pueblo cu ta reconoce Hesus como rey: "Bendiciona ta e rey cu ta bini den nomber di Señor!" En cambio e pasion di Hesus segun San Lucas ta nara ultimo cena di Señor, huicio, negacion di Pedro, sufrimento y morto di Hesus. Awor e "hosana" di entrada pa Herusalem a keda transforma den un grito: "crucific'E".

Y asina a sosede. Nan a crucifica Hesus.

Toch for di cruz Hesus a actua como rey. Ora un di e malechornan, cu tabata crucifica banda di dj'E, a reconoce su pica y a profesa su fe den Hesus y su reino, El a bisa: "Awe mes lo bo ta hunto cu mi den paraiso." Awe hunto cu henter Iglesia nos ta keda invita pa compañía Hesus den su entrada pa Herusalem – luga di misterio pascual – luga caminda Hesus ta realisa e obra di redencion di genero humano. Apesar cu Hesus a drenta Herusalem riba un burico a keda aclama como rey. Apesar cu e rey aki a keda crucifica, su cruz a resulta instrumento di victoria no solamente pa Hesus, sino pa tur esnan cu a pone confiansa den dje.



Den ningun circunstancia di nos bida nos no por stop di anuncia cu Cristo ta REY. Y si nos no ta proclama e berdad aki, 'si nos ta keda keto, e piedranan mes lo grita' e gran berdad aki.

ORACION

"Bendiciona ta e rey cu ta bini den nomber di Señor".

PROPOSITO

Participa den liturgia di triduo pascual pa medita misterionan di nos salvacion.

Laga tur locual cu ta spera mi ta bunita
Laga tur locual cu mi encontra na caminda ta
bunita

Laga tur locual cu ta rondonami ta bunita
Y laga esakinan termina den tur bunitesa.

Cado Wever

Cu profundo dolor na nos curazon nos ta anuncia
fayecimento di:



Domingo Godoy

*23-12-1931- †07-04-2022

Acto di entiero lo wordo anuncia despues.

Ki alegria, ora nan a bisa mi:
“Ban cas di Señor!”
I awor, ata mi aki para na bo porta Señor.
Salmo 122

Cu dolor na nos curason, nos ta participa
fayecimento di nos ser stima:



Sr. Almilcar C. Thodé

Cariñosamente yama “Boeis”

*28-04-1939 – †01-04-2022

Acto di entiero lo wordo anuncia despues.

Soli Deo Gloria

Alleen aan God de eer.

Ilse (Watini), Crystal, Kelly-Ann, Brichelle en Xavielle
hebben de droevige plicht te berichten, dat is heen
gegaan hun geliefde echtgenoot, vader en grootvader
dhr. Mariman (Mantje) Mertosentono (Kim).



De condoleanceavond is op vrijdag 08 April 2022 te
Aurora Funeral Home van 19:00 tot 21:00.

De uitvaartdienst is op zaterdag 09 April 2022 te Royal
Funeral Home van 14:00 -16:00, waarna de crematie zal
plaatsvinden.

“God heeft ons gemaakt.

HEM behoren wij toe.”

Psalm 100:3

“Bou di alanan di Dios mi ta sigur”
Abo ku ta biba bou di amparo di Altisimo, ta
hospedá den sombra di Dios Omnipotente, bisa
Señor:

“Mi refugio, mi forti, mi Dios, den kende mi ta
pone mi konfiansa”

Salmo 91:1-2

Cu dolor na nos curason, nos ta participa
fayecimento di nos ser stima:



Sra. Urmey M. Rosa

Cariñosamente yama “Mama Omy”

*01-02-1953 - †08-04-2022

Acto di entiero lo wordo anuncia despues.

Gradicimento y Invitacion

Di profundo di nos curazon, nos ta agredicetur hende cu di un manera of otro a muestra nan atencion, amor y cariño durante fayecimiento y entierro di nos defunto stima:



Lucia Lampe Maduro

Famia kier a duna danki na Dr. Winterdal, Dr. Franca, Dr. Vingal, Dr. Kahlil y piso 3 di Dr. Horacio hospitaal
 Tambe un danki na Hospice Atardi, directiva i voluntarionan, pa nan atencion, amor y pasenshi
 Na tur esnan cu a manda mensahenan riba whatsapp, facebook y jamada telefonico, danki di curazon
 Un danki special na tur esnan cu a haci donacion na Hospice Atardi
 Tambe na Aurora Funeral Home pa nan bon servicio y atencion
 Boso muestra di atencion tawata un gran consuelo pa nos
 Na mes momento nos ta invita famia, amistad y conocirnan pa compania nos na un Santo Sacrificio di Misa pa descanso di alma di nos defunto stima cual lo tuma lugar Dia 10 april na Capilla Santa Famia pa 8or mainta

Gradicimento y Invitacion

Nos kier a gradici di curason tur hende cu di un of otro forma a juda y compania nos durante entierro di nos kerido tata, welo, bisawelo, ruman, omo y amigo.



Vicente Semeleer

* 05-04-1933 – † 01-04-2022

Un gradicimento grandi na Dr. Melanie Ho Kang You y Koningin Wilhelmina Kankerfonds, en especial na Lola, Evy, y Ita cu a duna un bon cuida y atencion durante su ultimo dianan. Tambe na Reverendo Theo Zievinger cu a resa cu nos ora e la fayece y pa e bunita respons. Danki na tur cu a manda flor, carchi y tambe condolencia via Facebook, WhatsApp y telefon. Un danki grandi na Aurora Funeral Home pa nan bon servicio y en especial na Wilfred, Rosemary y Lifranis pa nan atencion personal.
 Alabes nos kier a invita pa 3 Santo Sacrificio di Misa cual lo tuma lugar na misa catolico Santa Anna na Noord pa 6:30pm, dianan: diabierna 08-04-2022 y dialuna 11-04-2022 y na Kapel di Alto Vista pa 5:30pm diamars 12-04-2022.
 Boso presencia lo ta altamente aprecia

Hesus a bisa e disipelnan: 'Laga e muchanan bini serca Mi. No kita nan di bini, pasobra reino di Dios ta pertenesa na esnan manera nan.'
 Mateo 19:14

Cu profundo tristeza na nos curason nos ta anuncia fayecimento di nos yiu, ruman, nieto, subrino, primo stima:



Noah Alejandro Ochoa Escalona Maduro
 *16 november 2021 †24 maart 2022

Na number di su:

Mayornan: Noëmi Maduro y Alejandro Ochoa Escalona

Rumannan: Joshua, Jay-Andrick, Nowi

Wela y welo: Gilberto Ochoa y Martha Escalona Leal na Venezuela
 †Demetrio Maduro y †Jane Elizabeth Maduro - Schwengle

Bisawela: Maria Leal na Venezuela

Tantan: Shakirah Naomi Maduro, Tishurah Nohemi Engelhart-Maduro y famia, Gracy Ochoa Escalona y famia na Venezuela, Neilis Ochoa Escalona y famia na Venezuela

Omonan: Jeroen Beltman y famia na Hulanda. Jesus Alberto Ochoa Escalona y famia na Venezuela, Gilbert Ochoa Escalona y famia na Venezuela, Pedro Piña y famia, Johnny Ochoa Escalona y famia na Venezuela, Ashwin Engelhart y famia, Phillip Ho Sing Loy y famia, David Escalona y famia, Omar Gomez y famia Primo y primanan, omo y tanta grandinan na Aruba, Venezuela y Hulanda.

Nana nan di Noah: Rochen Maduro y Astrid van de L'isle

Demas famia: Maduro, Ochoa, Escalona, Schwengle, Leal, Engelhart, Beltman, Gomez, Brito, Brett, Lozada, Zaraga, de Kort, Bislick, Arends, Paskel, Noguera, Koolman, Rafini, de Mey, Wezer, Abdrabouh.

Acto di entierro ta tuma lugar dialuna 11 di April 2022 na misa Sagrado Curason na Savaneta di 9'or pa 11'or di mainta, despues lo sali pa Santana catolico na Savaneta.

Lo tin un box di donacion pa un bon causa cu lo bay pa un fundacion di mucha.

Nos ta lamenta cu despues di entierro NO TA RICIBI BISHITA NA CAS.

You who live in the shelter of the Most High,
 who abide in the shadow of the Almighty,
 will say to the Lord, "My refuge and my
 fortress;
 my God, in whom I trust."
 Psalm 91, 1-2

With a grateful heart we announce the Home-
 going of our beloved
 husband, father, brother and friend:



Reuben L. Craigg

17/09/1956 – 01/04/2022

Lid in de Orde van Oranje-Nassau
 Groepsleider & Hopman Baden Powell
 groep 1, Scouting Aruba

Ex-Directeur TeleAruba

Left to mourn are his:

- Wife:** Etty Craigg-Lourens
- Daughters:** Rebekah Craigg, Vikah Craigg
- Sisters:** Judith Hazel-Craigg & Family, Elizabeth Craigg
- Brothers:** Clinton McCleod, Danville Wyllie
- Brother of the heart:** Alwin Lacle & Family

- Aunts:** Marian Andrews, Victoria Andrews, Olivia Muhammed-Andrews
 Madeline Reed-Andrews
- Uncle:** Reginald Andrews
- Sisters-in-Law:** Olimpia Stefania-Lourens, Crisalta Lourens, Mildred Marcelina-Lourens
 Glenda Lourens, Ruthline Lourens, Miraida de Winter-Lourens

- Brothers-in-Law:** Irvin Hazel, Hubert Lourens
- Nephews:** Irve Hazel & family, Randy Hazel & family, RayMichael Hazel
- Cousins:** too numerous to mention.

- Baden Powell:
 Scouting Aruba:** All Leaders, Explorers, Verkenners, Welpen & Bevers current and former
 All members

- And especially:
 Special Thanks to:** All his female friends, too numerous to mention
 Dr. Marcel Ho-Kang-You, Lola Geerman, Onaya Tromp-Pourrier, Dr. Yuri
 Casseres, Wilhelmina Kankerfonds, The Whole team at Oncologie

Condolences can be given on Friday April 8th from 19:00 pm to 21:00 pm, at Aurora Funeral Home in Oranjestad.

We invite all family Craigg, Lourens, Andrews, Hazel, McCleod & Wyllie, ex-colleagues from Setar, ex-colleagues from TeleAruba and fellow scouts, to partake in the funeral. The funeral will be held at Wesley Methodist Church at LongFellowstraat 3, Oranjestad (located behind plaza Simon Bolivar), on Saturday April 9th at 11:00 am, preceded by condolences starting at 10:00 am.

The Family will not be receiving private condolences at home prior to or after the funeral.

We appreciate your consideration in this.
 If in our grief we've neglected to mention someone, we offer our sincerest apologies.

*Señor ta mi wardador pues mi no tin falta di nada.
 Den cunucu di yerbe berde e ta pone mi sosega
 pa mi por bolbe haya forsa.*

*Cu inmenso tristeza na nos curazon, pero
 conforme cu dios su boluntad, nos ta anuncia
 fayecimento di:*



Walter Simon de Cuba

*19 december 1951- †31 maart 2022

Na number di su:

Esposa:
Rita de Cuba-Rodriguez
Yiunan: Raywalt de Cuba y Marjelyn Maduro, Daury Rodriguez y Celine Geerman,
 Jeskhar de Cuba y Lindsey Giel, Davian de Cuba y Nakeisha Jacobs.

Mayornan: Maximo y Candida de Cuba quepd
Nietonan: Delilah Marie, Kalani Logan, Ariella Alana, Daynah, Massimo

Rumannan: Olivia Faro- de Cuba, Sheila y Walter Arendsz y yiunan
 Joy y Ismay de Cuba y yiunan, Karel de Cuba y yiunan, Greta y Winston Maduro
 quepd y yiunan, Ana Clara de Cuba y yiunan.

Tanta nan: Sra. Mani v/d Linden, Sra. Ika de Cuba, Swa- y Cuñanan:
 Bernarda y yiunan, Constanza y yiunan, Orlando y yiunan, Indira y yiunan
 Lourdes y yiunan, Denise y Rudy Perrot.

Famia: De Cuba, Rodriguez, Lubo, Prince, Perez, Maduro, Faro, Arendsz, Habibe,
 Tromp, Henriquez, van der Kamp, Matthew, Kadir, Nucete, van Nimwegen,
 Canninga, Rooseman, Bareño, Lopez, Lacle, Martinez, Croes, Van der Bliet,
 Gomez, Rincon, Geerman, Schwengle, Ras, Werleman, Solognier, Wever, Perzia,
 Willems, Piña, Brete, Kroon, Gallarza, Steven, Berbel, Loaiza, Palma, Allende,
 Ebraat.

Colega musiconan: Wiwi Piña, Ronny Brete, Eddy Kroon, Freddy Gallarza
 Kenneth Samson

Amigo: Steven Jack
Grupo di misa Cristo ta Amor

**Ta invita tur amigo, bisiaña, colega y conoci pa asisti na e condolencia cual lo
 tuma
 lugar dialuna, 11 di april 2022 di 7pm pa 9pm na Royal Funeral Home.**

**Nos kier a pidi nos disculpa si nos por a lubida un of otro famia den nos
 tristeza.**

“Mi a lucha e bon lucha, mi a termina e careda, mi a warda e fe;

2Timoteo 34

“Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa.”

Salmo 23

Cu dolor na nos curason y alabes agradeci pa tur e acuerdonan bunita laga atras.

Nos ta anuncia fayecimento di:



Sabina Cristina Gei-Croes
* 27 oktober 1968 –† 2 april 2022

Su mayornan: † Felix y † Romana Croes- Geerman

Su esposo: Florentino Gei

Su unico yiu stima: Guion Gei

Manera un yiu: Mellisa y Jeffrey de Cuba-Gei y famia

Rumannan: Elsa y Emitterio Croes y yiunan, Bernardo Croes, † Wim Croes

Anna Susanna Croes y yiunan, † Francisco Croes y yiunan

Greta Croes y yiu, Maximino Croes, † Raymundo Croes

Swa y cuñanan: Innocencio y Bernadeta Gei-Gei y famia, Carolina Gei y famia,

Alberto y Glenda Gei-Semeleer y famia, Teofilo y Anita Gei-Umans y famia,

Nicolás y Helena Gei-Arends y famia, Fabio Gei, Maria Gei y famia

Sobrino(a)nan y sobrosobrino(a)nan;

Tanta y omonan,

Primo(a)nan y actoprino(a)nan,

Ihanan: Roosje Dirks y famia, Ghislaine Croes

Comer y compernan: Christina Koolman, Silvio Tromp

Amigo(a)nan, bon bisñanan y conocirnan di cas, amistadnan di EUMAR Lock.

Ex- coleganan: Bon Bini Bazaar, Veterinaire Dienst, SPD y DVG.

Famia: Croes, Gei, Geerman, Figaroa, Figueira, Machintosh, Haseth, Dabian, Flanegin, Willems, Semeleer, Umans, Arends, Hazel, Lacle, Victoria, Franken, Kelly, Koolman, Tromp, Dake, Mauricia, Acosta, Paskel, Rivero, Bouwman.

Nos disculpa si den nos tristeza nos por a lubida un of otro famia of conocir.

“ Bin cu paña colorido reflehando e alegria di e defunto”.

Acto di despedida lo tuma lugar Diasabra 09 april 2022 di 9'or pa 11'or di mainta na Aurora Funeral Home. Acto di cremashon lo tuma lugar den seno di famia y amistad

Nos ta lamenta cu despues di entiero NO ta ricibi bishita di condolencia na cas.

“Dios ta amor... y amor ta Dios,
maske mi no ta na e mundo aki, tur dia lo mi ta
banda
di boso Curazon, mi por stens di loke Señor ta
hasi”

Salmo 33

Cu dolor na nos curason, nos ta participa fayecimento di nos ser stima:



Magdalena Werleman
*26-01-1939 - †04-04-2022

Na number di:

Esnan cu a cuide cu hopi Amor i Carinjo na Stichting Thuiszorg Aruba:

Rufina, Patricia, Marbelys, Lucia, Myrna, Cynthia, Franjesca, Flavia, Angely, Maria, Ronnie, Thais, Betty.

Primo y primanan

I tur su companeronan di Thuiszorg i demas famianan:

Werleman, Dañe, Geerman, Ras i demas amistadnan.

Ta wordo invita pa asisti na acto di entiero cu lo tuma lugar dialuna 11 di April 2022 for di 9or pa 11or di mainta na Misa Inmaculada Concepcion na Santa Cruz y despues pa su ultimo lugar di descanso na Santana na Santa Cruz.

Si en caso cu den nos tristeza nos por a lubida algun persona of famia, nos ta pidi nos mas sincero disculpa.

BONERIANO®

EDITOR:
Bonaire Communication Services N.V.

Djabièrnè 8 aprel 2022 | Preis: \$1.00

BOLIVIA NA PELIGER

The Wine Factory na Boneiru



Amantenan di prinsipalmente biña, tin un sitio mas pa por bai skohe nan bibida preferí. Den e kaso aki The Wine Factory. Despues di algun luna di konstrukshon, djasabra siman pasá a kòrta sinta i asina habri e estableimentu ofisial pa públiko. The Wine Factory ta situá na Kaya Industria.

Papiamentu di
chambuká
Página: 8

“Mester di otro vishon i
mihó struktura pa
kresementu di Boneiru”
Página: 9

Preis di webu
ta subi ku
un dòler
Página: 3

Duna Konseho
Insular
outoridat bèk
Página: 3

Mihó
koperashon
kombatimentu
di
pobresa
Página: 3



Pa loke ta trata oumento kantidat di miembro

Duna Konseho Insular outoridat bèk

KRALENDIJK – E siman ku a pasa Komishon Fiho di Asuntunan Interinsular i di Reino a debatí tokante e kambionan di WolBES i FinBES. Komo invitado tabata presente Mr. Ir. Carlos da Costa Gomez, kende den su tesis pa graduashon a profundisá tokante e kantidat di miembro di Konseho Insular ku ta mará na e kantidat di habitante. Tur e miembronan di e komishon ku tabata presente na e reunion, ku eksepshon di frakshon di MPB, tabata riba mesun liña ku mester duna Konseho Insular e outoridat bèk pa hasi e kambio di e kantidat di miembro i tambe diputado.

Esther Bernabela di Frakshon di UPB a indiká ku pa basta tempu kaba el a trese dilanti ku mester amplia miembronan di Konseho Insular, semper esaki a keda rechasá pa medio di e moshon di Remkes ku esaki no ta posibel.

Bernabela: “Mi ta sinti ku nos no tabata sa kon por hasi algu den e direkshon pa kambia e kantidat di miembro di Konseho Insular, apesar ku mi ta haña ku e ta un inhustisia. E ta kita algu for di e derecho di e siudadano sigur si tene kuenta kon e poblashon a krese e último añanan. Nos a haña un karta kaminda ta lesa ku BZK konhunto ku e dife-

rente gruponan di maneho a haña tarea pa studia kon por trese kambio, spesífikamente ta menshoná kambio den WolBES i FinBES pa diferente asunto, pero nos ta tratando hustamente e kambio den WolBES relashoná ku e kantidat di miembro di Konseho Insular.

Bernabela a sigui bisa, nos tin ku hasi lo máksimo pa wak si nos por logra pa dado momentu ku e delegashon Raad van State bini pa deliberá i tende di nos parti tambe. Promé ku bisa nos e oumento di miembro di Konseho Insular òf diputado, den e karta ta sugirí ku mester bai oumentá e kantidat di miembro pa 13 i kuater diputado. Dor di e karta ku nos a risibí di Raad van State ta hopi importante pa nos tin e informashon di e gruponan di maneho ku a reuní for di kua a sali e sugerensia aki.

Desde e promé reunion di Konseho Insular promé di yüli 1951, tabatin shete miembro. De fakto for di e tempu ei te ku awor aki nuebe miembro. Tabatin diferente motibu pa a oumentá e kantidat di miembro for di netamente nan ta usa pa tene e kantidat di miembro na nuebe. Di otro banda nos tabatin motibu hustu pa subi e kantidat di miembro. Ta notabel ku reunionnan di Konseho Insular ta tuma hopi ora i tambe

e preparashonnan pa e reunionnan, segun Bernabela.

Loke kontinuamente ta menshoná i ta pone énfasis riba e kantidat di poblashon i ku a base di esaki por subi e kantidat di miembro sí òf nò, segun Bernabela. Pero tin tambe hopi faktor mas ku ta hunga un ròl. Si dado momentu mes e kambio aki bin tuma lugá, nos ta haña nos mes ku hopi reto pa tin un Konseho Insular ku tantu miembro asina. E pregunta spesífiko ta kiko ta pensa pa subié na 13, ounke tin derecho riba 19.

Hasi e kambio bon mesora

Da Costa Gomez di su parti e indiká ku mester hasi esaki meskos ku konseho di munisipio kaminda e ta stipulá a base di e kantidat di habitante ku tin. Sí ke hasi un kambio hasié bon mesora. Tambe ta mira ku e kantidat di habitante tambe ta determiná den kua kategoria ta kai.

Da Costa Gomez a sigui bisa, tantu e salario di diputado i gezaghebber tambe ta relatá na e kantidat di habitante. Sí a adaptá esei segun lei di munisipio, no ta mira motibu ku aki nan lo bai hasié distinto i pidi pa hasié 13 manera e tabata den e konsepto.

Loke mester pidi ta, di akuerdo ku Da Costa Go-

mez, pa anulá e amienda di Remkes pa kua no mester tin masha diskushon, pasobra tabata algu ku tabata eksistí, ke men loke ta pidi awor aki no ta nada nobo, pasobra ta Raad van State mes a bini ku e rekomendashon e tempu ei pa hasié igual ku lei di munisipio.

Duna outoridat bèk

Daisy Coffie d Frakshon Coffie, kende a fungi komo vise presidente di Komishon Fiho di Asuntunan Interinsular i di Reino, tabata riba mesun liña. El a bisa

finalmente e personanan ku tin mester den e sala aki ta miembronan di Kolegio Ehekutivo, pasobra ta nan por duna detaye komo ku ta nan a sinta ku e gruponan di maneho.

Coffie: “En todo kaso nos mester trata na yega pa e loke Remkes a hasi pa kita e outoridat for di nos sí nos mes por disidí ku nos ta subi e kantidat di miembro di Konseho Insular sí òf nò, mester manda deklaré e amienda ei no bálido, pasobra na promé lugá nos mester haña e outoridat ei bèk.

Logistic Holding B.V.

ta buska

magazijnbeheerder

Pa mas inf. por yama **782-0976**

Bonaire Marmer N.V.

ta buska

2 metaal-bewerker

Pa mas inf. por yama **785-7491**

Zhung Kong B.V.

ta buska

1 assist.warehouse / 1 kok

-mester tin un kaerta di rekomendashon
-mester tin 3 aña di eksperensia riba e V.O.G.

Pa mas inf. por yama **717-6688**

Partisipa BV.

is op zoek naar

een marketeer voor 32-40 uur per week

Belangrijkste taken zijn naast social media marketing;

-Analyse van bezoekersgedrag en conversie middels webtools.

-Afstemmen van menustructuur, interface en andere zaken omtrent usability op de wensen van de gebruiker

-Optimalisatie van de content van de website met behulp van SEO (Search Engine Optimization)

-Vormgeven en uitvoeren van een SEA-strategie (Search Engine Advertising)

-Bedenken en uitvoeren van een social media-strategie

-Schrijven en redigeren van content

-Spreken en schrijven in de Engels taal is vereist.

Sollicitaties naar info@bellabreezebonaire.com
en meer informatie is verkrijgbaar op **780-6236**

Preis di webu ta subi ku un dòler

KRALENDIJK – E dos produktornan di webu na Boneiru, Punta Blanku Farms i Bienaventura Farms, debí na oumento di preis mundialmente, entrante promé di april a subi kaha di webu ku 1 dòler.

E último desishon pa

loke ta trata preis di webu a baha e preis di webu en bes di subi esaki. Tambe ta asina ku sinku aña largu preis di webu no a kambia, siendo ku gastunan di produkshon sí a subi.

Mirando e konsekuensianan di e krisis mundial ku

nos ta den i subida di preis di entre otro transporte, preis di webu lokal ta subi entrante april.

E preis ta subi ku un dòler den toko i supermarket, pues awor ta bende kaha di webu pa \$ 3.80.

Serka mamanan soltero na Karibe Hulandes

Mihó koperashon kombatimentu di pobresa

KRALENDIJK – Un koperashon urgente i intensivo entre atministrashon públiko i e entidatnan públiko di e tres islanan, ta nesario. Den esaki e defensoran di pueblo enfátikamente ta mira un ròl di maneho pa ministerio di BZK. A resultá ku e maneho no ta simpel, ya komo tin hopi ministerio i organisashon gubernamental involukrá. No opstante tin mester di un esfuerso struktural i duradero pa baha pobresa na Hulanda Karibense.

Diferensia grandi
E defensoran di pueblo ta haña ku mayornan soltero i nan yunan por spera di gobièrnu ku nan ta keda yudá lihé i kuidadosamente pa drecha nan situashon. Nan mester por traha riba un futuro stabil pa nan mes i pa nan yunan. E diferensianan den e fasilidatnan kompará ku Hulanda Europeo, ta muchu grandi i mester bin ku un mínimo sosial ku ta basá riba e kos to real di bida na e islanan. Por logra esaki únkamente pa medio di un mihó konosementu di e problemanan ku tin.

Mihó koperashon
Apesar di e medidanan ku a tuma pa kombati pobresa na Boneiru, St. Eustatius i Saba, Ombudsman Nashonal i Ombudsman di mucha ta keda preokupá pa ku mayornan hóben i nan yunan ku ta lanta den pobresa.

Ombudsman Nashonal, Reinier van Zutphen, tambe na nòmber di Ombudsman di mucha, Margrite Kalverboer, a entregá e rapòrt titulé ‘Muchanan karibense for di kuenta’, na Alida Francis, komisario di gobièrnu na St. Eustatius. Sekretario di Estado Alexandra Van Huffelen di relashon di Reino i digitalisashon, tambe a risibí un ehemplar. E rapòrt ta konkluí ku mester tin mihó koperashon pa kombatimentu di pobresa serka mamanan soltero na Karibe Hulandes. Tantu gobièrnu lokal komo nashonal mester tuma medida lihé pa término largu.

E rapòrt akí ta mustra e problemanan ku kua mayornan soltero i nan yunan ku ta biba den pobresa na Hulanda karibense tin di aber kuné. Atrobe nan ta pidi atenshon i akshon di gobièrnu lokal i di Reino.

Ombudsman Nashonal, Ombudsman di mucha i otro organisashonnan, ya tin basta tempu ta pidi atenshon pa esaki. For di kombersashonnan ku e defensoran di pueblo i nan investigadónan tabatin ku mayornan soltero i nan yunan, atrobe a sali na kla ku ainda esaki ta nesario. Anteriormente a hasi investigashon na pobresa bou di grandi i adulto hóben na Hulanda Karibense.



orinan ta soltero. Den kombersashon ku mayornan i muchanan, anto for di investigashonnan anterior, a sali na kla ku mayornan soltero tin ménos espasio pa duna nan yunan sufisiente kuido, amor i atenshon.

E mayornan ta bou di preshon i nan ta di strès pa motibu di tur e problemanan finansiero. Ademas nan ta pasa hopi tempu pafó di kas pa por traha. Esaki ta sòru ku tin ménos struktura, regla, apoyo i interes pa e muchanan. Ombudsman di mucha Kalverboer: “Muchanan ku ta krese den pobresa hopi biaha ta eksperensia un eskala di problema riba diferente área di bida. Pa e motibu akí e riesgo ta grandi ku nan ta heredá e pobresa ku ta pasa di generashon pa generashon. Ta importante pa kibra e patronchi akí.”

Rekomendashon

A base di tur kòmbersashon i resultatnan, e defensoran di pueblo ta hasi e siguiente rekomendashonnan na Sekretario di Estado di BZK:

Krea un enfoke integral di aksesio na ayudo, ku atenshon spesífiko pa i un enfoke dirigí riba mucha.

Empeña mas pa asistencia finansiero di debe i fasilidatnan legal aksesibel.

Hasi apoyo pa kriansa un tema habrí, disponibel i aksesibel.

Ofresé akohida pa mucha di aksesio gratuito.

Konsekuensia

Pobresa tin konsekuensia grandi pa edukashon di mucha, sigur sí nan may-

Ofresé kursonan pagabel pa asina mayornan soltero por sigui siña. Na novèmber 2022 ta organisá un konferensia na Hulanda Karibense. E ora ei e defensoran di pueblo i nan koleganan di Kòrsou i St. Maarten, lo sigui papia tokante e aserkamentu amplio di pobresa.

Motibu

For di 2010 Boneiru, St. Eustatius i Saba, ta munisi-

pionan spesial di Hulanda. Huntu nan ta forma Hulanda Karibense.

For di e tempu ei Ombudsman Nashonal ta trata kehonan tokante instansianan gubernamental na e islanan.

For di 2012 tambe ta trata kehonan tokante instansianan gubernamental lokal, esta e entidatnan públiko. For di 2011 Ombudsman di mucha ta trata kehonan na Hulanda Karibense.

Consuelo Memorial
Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com

GRADISIMANTU I INVITASHON
Esposa, yunan i demas famia di e defuntu

Sr. Gerald Isaac
Leon Inesia
mihó konosi komo Papi

kier a gradisi tur persona pa nan sostén den e momentunan difisil na ora di malesa, fayesimentu i entiero di nos ser keru. Un danki na tur ku a manda krans, mensaje i yamadanan telefòniko. Boso atenshon i sostén tabata un gran konsuelo pa nos.

Nos ta invitá na 2 santu sakrifisio di misa, djaluna 11 di april i djarason 13 di april pa 7’or anochi na misa San Bernardo na Playa.

Aseptá esaki komo un invitashon personal.

Wing Cheung Supermarket N.V.
ta buska
1 koelmonteur
Pa mas inf. por yama **+5999 526-0168**

Jia Xing Supermarket B.V.
ta buska
2 supervisor
Pa mas inf. por yama **795-2115**

ECUA Construction & Cleaning B.V.
ta buska
albañiles, ceramiquero, carpintero y pintor
Pa mas inf. por yama **780-2800**

MADAM

X



Guera despues di 'luna de miel'

Den mi kurason mi ta keda un antiano. Bin ku kualke struktura òf nòmber ku bo ke, pero mi ta konsiderá e islanan ABC komo ruman. Ademas, kua ruman no sa pleita?

Semper mi ta gusta bishitá mi dushi Kòrsou. Asta tempu ku mi tabata biba na tera friu, ora mi bin keiru Bonè mi tabata hòrta shòt (òf ta shòrt?), bula 2, 3 dia pa wak mi yunan di Kòrsou. Òf kurasoleño, mané bo ke bo yam'é.

Mi rekuerdonan di mas 'wild' ta na Kòrsou nan a sosodé. E rekuerdonan hopi bia ta huntu ku Norma m'a pasa nan. Un bon amiga di mi, ten mi ten. Norma semper a biba den un kas di gobièrnu na Brevengat, djis dilanti SDK.

Norma su kurpa di kitara tabata hasi hòmbènan loko. Kisas esei tabata su desgrasia tambe. E kos di Norma ta, ku tur hòmbèr ku pasa 'muha e flor' ta laga un yu atras. Norma su normanan no tabata masha haltu ora ta trata amor.

Norma su falta a pone ku e mester a lanta 7 yu su so den e kas na Brevengat. Nos a keda den kontakto ku otro. P'esei mi sa ku bida tabata duru p'e. Pero ta falta di norma serka Norma mes.

Ora un di bon sa kai serka mi, mi gana un number, mi tabata manda un tiki sèn ku Western Union p'e. Ora bo man drechi hasi un kos e man robes no mester sa, pero Norma mes tabata konta tur hende ku ke skucha kon mi tabata yud'é.

Norma a pari 6 yu muhé i 1 yu hòmbèr. E yu mayó yama Laika. Laika su bida no ta fásil; el a topa basta hòmbèr den su kaminda ku no a trat'é bon. Laika tin 3 yu. Kada yu ta diferensia 1 aña di e otro. Tur kos tabata musta ku Laika lo a sigui den pasonan di su mama.

Amai mi wela sa bisa ku un muhé tin 7 sorto di suerte. Awèl, mirando Laika su bida, mi mester konkluí ku Amai, di felis memoria i den su mundu di bèrdat, tabatin rason.

Laika tabata traha na pòmpt di gasolin ora el a konosé Jauo. Un hòmbèr portugues bon pará. E no tabatin masha bon tipo. E tabata un hòmbèr kòrtiku i bòki i e tabatin 20 aña mas bieu ku Laika.

Ora mi sa papia ku Norma na telefòn, Laika sa grita den 'background'. "Tanchi bo sa kiko nan sa bisa, mas chikí e hòmbèr su kurpa ta, mas grandi e hèrmènt."

Miéntas Norma ta rabia, ami i Laika ta hari pa e lokura aki. Jauo tin 4 divorsio tra'i lomba i 3 yu kasi mesun grandi ku Laika. E yunan no tabata gusta Laika niun tiki, pero niun hende no a mira e 'bandera kòrá'.

Bon mirá, hopi hende tabata babuká di mira e kambionan den Laika su situashon. Tabata un trastorno pa Laika pa tur dia kue un bús di Brevengat pa Palu Blanku pa yega trabou. Awor ta un Hyundai Tucson ta buska i hiba e mucha aki tur dia.

Despues el a entregá su karta di retiru na pòmpt di gasolin. Jauo no ke p'e molestia asina, wanta holó di gasolin i freskura di hòmbun machista. Jauo ke pa e dediká tempu na e i e yunan, pasobra segun Jauo e ta konsiderá e muchanan komo su mes yunan.

Mi tin di atmití ku mi a bira asta un tiki yalurs. Laika su storia tabata mané kuenta di Assepoester. E renchi ku Jauo a pone na Laika su dede tabatin un djamanta asina grandi i briante ku ta ku un brel di solo bo mester a wak'e.

Laika a kasa den misa di Steenrijk. M'a yega bon tempran pa mi ta sigur ku mi ta haña lugá te dilanti den misa. Mi no tabata ke pèrdè nada. M'a kai sinta mané sak'i batata na punta di e banki den e di 2 rei.

Mi no sa di unda e mucha muhé aki a Sali, pero direpente un mucha di apénas 18 aña a para mi dilanti ku un kara bon rabiá. "Famia señora ta? Pasobra invitadonan mester sinta mas patras", el a bisa mi ku un bos bon friu.

Mi no por kulp'é. Kisas bèrdat e tabatin friu. Su shimis blanku tabata asina kòrtiku i su pechunan tabata tur afó. Práktikamente no a laga nada pa imaginashon. Tur kos tabata kla i habri.

Mi no tabatin masha tempu pa protestá. Mesora misa a yena i e seremonia a kuminsá. Misa tabata bunita dekorá, tabatin flor pa no kaba, foral flor kòrá, koló di amor, un rei largu di 'bruidsmeisje'. Laika a kana dreña bistí ku un shimis di brùit masha bunita. E tabata pará dilanti pastor, miéntas su kola a yega na e porta.

Segun ami, Antonieta Dap e spik fo'i Laika su fiesta. Tabatin 3 sorto di batrei. Parse ku e bufèt tabata pa un batayon di sòldá. E bar tabata asina bon surtí ku Madam X a ankra einan pa mi 'pro secco'-nan.

M'a konta 3 fotógrafo, facebook tabata dòrná ku potrèt i video di e matrimonio. Ami mes a bira emoshonal ora Laika i Jauo a wak otro den wowo i kome bolo fo'i otro su man. Esta romántiko.

Esaki a sosodé 5 luna pasá. Siman pasa m'a bai Kòrsou. M'a keda na Sufisant serka mi prima Soila. Mesun dia m'a kore rumbo pa Brevengat pa sorprendé mi amiga ku un bishita. Pa yega Norma kas mester hasi henter un desviashon, pero mi no tabatin gana. M'a para e outo djis dilanti e roi i kana ku kuidou pa yega kas di Norma. Ai si, Madam X tin bia ta floho.

M'a topa Norma na su port'i kurá. "Ban! Ban ku mi. Ta polis mi ta bai. Bo por kere ku e mal nasé di Jauo a trata na dal mi Laika", Norma ta bisa tur eksaltá.

Mi no por bisa kon lihé nos a yega warda di polis na Rio Canario. Ya Laika tabata pará ei, wardando riba sosten. Nos a warda te kansa promé ku un agente polisial indigná a atendé nos.

Durante e prosesamentu di e problema mi a komprondé ku tin 22 'melding' registrá tokante problema entre Jauo i Laika. No ta kos djawe.

"Ta kiko boso a hasi den 5 luna di matrimonio? Bringa so?", mi a puntra sorprendé. Despues mi a komprondé ku ta un guera total, stail di Rusia i Ukraina, tabatin entre e pareha 'ideal i ehemplar' aki.

Norma a konta ku luna pasá Jauo a saka Laika i e muchanan mardugá fo'i kas. Laika a nenga di bai, no opstante tur intento di Jauo. Dado momentu asta un deurwaarder a kai den e asunto pa garantisá ku niun hende ta mishi ku nada den e kas.

Awor asta denuncia Laika a hasi na polis. Hende a bin kont'é ku Jauo ke mat'é pa no parti niun biénes kuné. E proseso di divorsio ta kanando i un bes aki ta yega e punto pa repartí biénes. Djo para den!

Ku e edat aki Madam X sigur por bisa: "M'a biba te mira." Kon por ku 2 persona lókamente namorá na sierto punto den bida ta bira enemigu? E momentunan dushi i romántiko tur ta disparsé, pa habri avenida pa rabia, desepshon i rechaso ta kue tereno.

M'a riska puntra Laika ta kiko a bai robes? Mi tabata kuriouso òf ta kaweta pa sa. "Mi no sa, úniko kos ku mi tabata ke ta un hòmbèr ku mi por konfia, ku ta stima mi i kuida mi", tabata su kontesta.

Sí mi tin ku kere mi wela Amai, ainda tin un par di suerte pa Laika.

Pero, promé ku esei, ban wak si partimentu di biénes por sosodé sin e guera di Iran/Irak. Òf mihó bisá e guera di Ukraina i Rusia.



Programanan di Bonaire.tv

TELBO kanal 70

Flamingo TV kanal 23

Djabièrnè 8 april 2022

| | |
|--------------------|---|
| 12.00 Herensia: | Edgar Gachi Leito |
| 13.00 Dokumental: | Klein Bonaire (Historia i Rekonkista) |
| 14.00 Herensia: | Biniano Hubert Emerenciana (Carniseria Latino) |
| 15.00 BAPA: | Kor Flor di Koromoto |
| 16.00 Aktualidat: | Segni Bernadina |
| 17.00 Aki Boneiru: | Rafael Rodriguez (Frater) |
| 18.00 Herensia: | Eduardo Dominico Esteban (Eddy) Rijna |
| 19.00 BAPA: | Gibi Bomba |
| 20.00 Herensia: | Nort'i Saliña (kas pa kas) 5 |
| 21.00 Aki Boneiru: | Rekonosementu Real Rincon |
| 22.00 Herensia: | Herbert Filomeno Domacassé i Beacinta Ancencion Sweetnam-Theodora |
| 23:00 HUMA E07 - | Marcha pa Fòrti |

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.



B
A

Mi ta kere ku e echo ku mi ta siegu pa koló, 'kleurenblind', a pone ku mi a desaroyá mi sentido di smak mas mihó. Na momentu ku por ehèmpel mi kome, òf ta bebe, un sòpi mi ta bisa mesora kua ta e ingredientenan. Te asta mi por bebe un kòfi koló, basta no ta un marka totalmente deskonosí riba nos islanan, i bisa bo pa kasi 90% korekto di kua marka ta trata, sea Sello Rojo, Pilon, Santo Domingo, Juan Valdez, Barista, Douwe Egberts i sigur Smith & Dorlas.

Kisas loke mi ta skirbi aki no ta bisa masha kos. Mas hende tin e kualidat aki. Pero e kualidat òf abilidad aki, si bo ke yam'é asina, a pone ku mi ta maestral den trahamentu di tur sorto di sòpi. No ta ami ta bisa, sino hendenan ku a yega di savoriá mi sòpinan. Por ehèmpel durante kampananan ku mi sa organisá ku regularidat. Òf nan mes ter ta gaña mi ku kara seku, loke tambe ta posibel. Bonerianonan tin bes no ta bisa bo e kos dirèkt.

Mi ta studia tur sòpi ku mi kome bon. Mi ta mira, hole i purba e ingredientenan, pa asina mi por apliká nan despues den mi mes sòpinan. I ta tur sòpi mi por kushiná: mondongo, kabritu, kabes di piská, marisko (wak bo pa mi no lubidá di taip e 'k'), yuana, di mes repchi, rabu i karni di baka. Tambe sòpi di bèrdura. Ta sòpi di piedra di laman (koral) so mi no a kushiná ainda. Pero mi tata a siña mi sí kon hasié. Tempu ku na prinsipio di siglo pasá el a traha riba Klein Boneiru, kimando karbon, el a siña esaki serka su grandinan.

Mi maestra den trahamentu di sòpi tabata mi mama. El a siña mi tur sekreto. Pero serka mi tata m'a siña konosé e mata bushirumbu komo ingrediente pa sòpi. Den kurá di kas nos tabatin tambe kreina (te ainda mi tin) ku mi mama tabata usa den sòpi. Ora ku mi ke broma ku un bon sòpi mi ta bai piki blachi di bushirumbu pa duna e sòpi un toke spesial. Di mes tambe ku kreina aden.

BOLIVIA NA PELIGER

KRALENDIJK – Mas i mas ta birando opvio ku e doño aktual di Bolivia, Breemhaar, atrabes di e kompania Bonaire Properties, ke bai desaroyá partinan grandi i bunita di e anterior plantashi. Práktikamente, si e plannan sigui manera nan ke, lo no sobra masha mas di un dje teritorionan di mas bunita di Bolivia, ku ta realmente na peliger, komo área di naturalesa.

Manera ta konosí, masoménos tres aña pasá a bira konosí ku Meine Breemhaar, un empresario hulandes, a bira doño di Bolivia, kumprando akshonnan den e kompania Bonaire Properties. A skohe pa e fórmula aki di benta, opviamente pa evitá

pago di impuesto riba un posibel benta di e tereno inmenso aki, ku ta kubri henter e pida nortwèst di Boneiru, ku komo punta mas ekstremo e (faro) torno di Spelonk.

Na promé instante, ora ku krítika a kuminsá bai nan direkshon, e doñonan a laga sa ku ta djis un pida masha chikitu di Bolivia, área nortwèst, nan lo bai desaroyá, ku konstrukshon di masoménos 1.200 kas. Pero ya esei ta stashon pasá, mirando ku tin informashon a lèk, inkluso un mapa, riba kua por mira klaramente ku e partinan ku lo bai desaroyo ta hopi mas grandi i na diferente parti, asta den e parti konosí komo Waykano, ku tin un bunitesa inmenso.



E mapa ku a lèk e dianan ku a pasa, riba kua por mira kla e partinan di Bolivia ku Breemhaar ke bai desaroyá.

Otro sambuyadó ta hoga Kuaresma ta sigui eksigí morto

KRALENDIJK – Hende grandinan tin masha miedu di temporada di kuaresma, spesialmente relatá na laman. Den nan mundu di superstishon laman ta tuma bida di hende den kuaresma. I ta parse ku den e kuaresma aki, pasobra den apénas 10 dia tres sambuyadó ta pèrdè nan bida den laman. Siman pasá dos riba ún dia, ayera un mas.

Bosero polisial a informá ku ayera mainta alrededor di 11'or a drenta notifikashon di un sambuyadó den problema na altura di Captain Don's Habitat. A

trese e sambuyadó kosta i a trata di reanim'é. Lamentablemente sin resultado.

Alrededor di 12.30 dòkter di inspekshon a konstatá morto di e sambuyadó. Ta trata aki di un turista. Bosero polisial no a informá ku si ta trata di hòmer òf muhé.

Mirando e dos sambuyadónan ku a pèrdè nan bida siman pasá, i esun di ayera mainta, e pensamentu ta haña forsa ku enbèrdat den kuaresma tin kos straño ta sosodé.

Òf, mané bieunan sa bisa: "Laman ta tuma."

Tin hopi preokupashon den seno di persona i organisashonnan enkargá ku protekshon i konservashon di naturalesa, despues ku

spesialmente e mama, ku ta sali huntu ku e artíkulo aki, a lèk. Gobièrnu di Boneiru mester sali i tuma posishon, promé ku ta lat.

Señor ta mi wardador, mi'n tin falta di nada. Salmo 23:1

Konforme boluntat di Dios, nos ta partisipá ku a bai sosegá den brasa di Señor nos inolvidabel kasá, tata, welo, bisawelo, tatarawelo, tio, aktuprimu i amigu

Alejandro Anacleto Thielman

mihó konosí komo Shon Bubú
Selador òf Jonge Kracht
*26 yùni 1924 – †1 aprel 2022



Na nòmber di su kasá:

Laura A. Thielman-Eisden

Su yunan:

Gilbert i Marva Pablo
Olivia Thielman
Ramiro i Mirca Thielman
Reinera 'Reina' i Sherwin Winklaar
Lourdes Thielman i Netto Richardson
Cornelis 'Payo' i Marcia Thielman
Clarisia 'Corry' i Eligio 'Liko' Andrea
Gabriela 'Fientje' i Norman Lourens
Marcia Thielman
Edward 'Eddie' i Nydia Thielman
Laurine i Richenel Rosaria
Tamara i Riley Molina
Pamela Thielman

Su nietu(a)nan:

Pierro, Ashanty, Anouska, Miriella, Lisandra, Robert, Rubiella, Arnston, Francis, Gena, Curtley, Madonna, Sulaika, Guido, Guilvert, Margeline, Margareth, Samantha, Jason, Clarke, Denny, Nohely, Jeremy, Bernice, Tiffany, Rodney, Rhoda, Fabiëny, Edmaly, Ethan, Sharley, Richelaine, Jason, Joëny, Jorainely, Marvin, Marnix, Marviengela.

Kada un ku nan respektivo famia

Su 33 bisanietunan i 7 nietu-tuma-nietunan

Su subrinu- i aktuprimunan na Aruba, Boneiru i Hulanda

Su kuñanan i suá

Su komader-, kompader-, ihá-, amiga-, amigu i konosinan

Na nòmber di:

S.V. Estrellas - S.V. Veterano Estrellas
Grupo Maskarada - Villa Antonia
su mihó amiga Iris Semeleer i Grupo 60+ Alejandro Saleh
Partido Union Patriotiko Boneriano

Famia:

Thielman, Pablo, Seraus, Winklaar, Richardson, Stamper, Andrea, Lourens, Sergo, Rosaria, Molina, Cicilia, Plantijn, Kraal, Manuela, Margaritha, Thodé, Zieck, Sadé, Abdul, Anthony, Evertsz, Martijn, Semeleer, Melaan, Lugo, Doran, Allee, Eisden, Martis i Reina.

Si den nos tristesa nos a lubidá un nòmber nos ta pidi nos diskulpa.

Un danki spesial ta bai na tur dòkter, spesialisista, bruder- i zùsternan di Thuiszorg pa e bon kuido duná na nos ser kerí.

Ultimo despedida ta tuma lugá djasabra 9 di aprel na parokia La Birgen di Coromoto ku un santu sakrifisio di misa pa 3'or atardi. Tin okashon pa despedida di 1'or pa 3'or atardi na parokia.

Famia ta pidi pa tene kuenta ku regla- i medidanan eksistente di Covid-19.

Pa motibu nan fuera di nos alkansa no por risibi bishita di kondolensia na kas.



Awa di pos den nos historia (14)



Pa: Bòi Antoin

Génesis: 1 Na kuminsamentu Dios a krea shelu i tera. 2 Tera tabata bashí i sin forma, e tabata kubrí ku un laman profundo den un skuridat kompletu. Spiritu di Dios tabata move riba e awa. Awa ta tur kos. Si no tin awa, no tin bida. Den un seri di artíkulo, den kuadro di 'Dia Mundial di Awa' (22 di mart), Fundashon Históriko Kultural Boneriano ta pone atenshon na awa den perspektiva históriko di Boneiru.

Posnan di Antriol

Den un entrega anterior algun pos di Antriol a bini dilanti, mas tantu esnan alrededor di e anterior plantashi Guatemala. Pero tin mas pos ku mester di atenshon, spesialmente esnan den besindario di Seru di Angola i Seru Grandi.

Seru Grandi ta e seru den forma di un lomba di kamel bon visibel for di e haltura di Nort di

Saliña. Splikashon di e nòmber Seru Grandi ta lógiko. Ta e seru mas grandi i haltu pariba di Antriol. Den Parke Nashonal Washington tambe tin un seru ku masoménos mesun nòmber, esta Se Grandi. Na Rincon nan a kòrta e 'ru' for e palabra seru.

Un tiki mas pabou di Seru Grandi tin Seru Angola, den pasado mas leu konosí tambe komo Seru Chikí (òf Chikitu).



E kontroladó di Pos di Angola tabata Victoriano (Toyan) Wijman, un persona markante di Antriol.



Pos di Angola ketu bai den operashon.

Historia oral (e.o. Jose Maria Dortalina) ta bisa ku komo ku tabatin hende di Antriol ku fam Angela ku kunuku banda di e seru aki, a kuminsá yam'é Seru (di) Angela, ku despues lo a bira Seru di Angola.

E tres posnan mas importante aktualmente den e área di Seru Grandi i Seru di Angola ta Pos di Kavula i Pos di Angola. Tambe den e besindario ei, un tiki mas pa sùit, tin Pos di Mexico, tambe konosí komo Pos di Gorwin. Importante pasobra nan ta tres di e posnan ku molina ku a drecha algun aña pasá i na tur tres tin awa disponibel.

Angola

Pa kuminsá ku Pos di Angola. Ta trata di un pos relativamente nobo. Masoménos 40 pa 45 aña pasá a koba e pos aki.

Promé tabatin un pos ku pòmp pabou di Seru di Angola, pero su awa tabata hopi salu. Asina salu ku henter e pòmp a frusta i kaba na nada.

Nortost di Seru Angola tambe gobièrnu a koba un pos i a instalá un pòmp ariba. E pos ei no ta den uso mas. E motibu no ta konosí. Plataforma di e pòmp ta eksistí ainda. Entre Seru Grandi i Seru di Angola, djis pabou di Seru Grandi, tambe a koba un pos i traha un baki di awa, pero nunca a usa esaki.

Un persona ku a biba na su kunuku pegá ku e pos aki tabata Victoriano (Toyan) Wijman, ku a sòru pa kuida e pos aki. Den kunuku di Toyan mes tambe tabatin un pos ku e mes a koba. Toyan tabata kuida e pos aki.

Pos di Kavula

Pos di Kavula tin su nòmber

Dia mundial di awa 2022 - Tuma e desafio di 1 minüt!

Desafio di video di 1 minüt:

Manda un video tokante awa di pos – hasi e invisibel visibel!

E desafio:

Nos ta pidiendo hende rònt mundu pa traha un video di 60 sekònde ku e tema: "Awa di pos – hasiendo e invisibel visibel".

Konta nos den 1 minüt òf menos: kon awa di pos ta afektá bo bida? Tin sufisiente? E ta seif pa uza? Pakiko ta uza awa di pos prinsipalmente den bo área? Kiko mester hasi pa protegá awa di pos? Kompartí bo storia ku nos.

Kwe bo telefon òf kamara i traha un video di 60 sekònde tokante e situashon di awa di pos kaminda ku bo ta biba.

Lo proyektá un selekshon di e videonan na e "UN-Water Summit" tokante awa di pos na dezèmber 2022.

Instrukshonnan básiko pa filmashon:

- Máksimo 1 minüt. Mantené bo videonan 60 sekònde òf ménos.
- Usa pantaya hanchu. Traha e video den moda horizontal.
- Papia na bos haltu. Hasi uzo di un bon mikrófono.
- Ser sivilisá. Mantené bo video respetuoso i konstruktivo.



Pos di Kavula su awa ta di kalidat basta bon.



Pos di Mexico tabata konosí komo Pos di Gorwin, kende tabata biba na su kunuku pabou di e pos aki.



Jose Phelipa, alias Djo Kavula, a kuida e pos banda di su kunuku i ku su nòmber ku hopi dedikashon i amor.

debí na e echo ku Jose Phelipa, un kunukero di Antriol, tabatin kunuku pegá ku e pos aki, ku promé tabatin un pòmp riba dje. E beinam di Jose (Djo) Phelipa tabata Djo Kavula. Kavula (Kavoela) tabata un personahe den e buki 'Vlugge Slang', popularmente konosí komo 'bukí di Njoka', ku muchanan di skol tabata haña pa lesa den di tres klas di skol básiko katóliko. Jose Phelipa tabata parse e personahe Kavula.

Djo Kavula tabata kuida e pòmp aki manera tabata su propiedat mes. Asina ku e tende e pòmp zona e tabata sali fo'i su

rancho di kunuku pa kontrolá. P'esei muchanan tabatin miedu di mishi ku e pos aki.

Pos di Mexico

Den e bario Mexico, situá sùitwèst di Seru Grandi, tin Pos di Mexico. Promé e tabata yama Pos di Gorwin, kende tabata biba pabou di e pos aki. Meskos ku Djo Kavula, Gorwin tambe tabata kuida e pos aki hopi bon.

E forma ku Toyan, Gorwin i spesialmente a kuida e posnan públiko den besindario di nan respektivo kunukunan a demonstrá un kompromiso grandi ku nan komunidad, spesialmente pa otro kunukeronan.

Ta bon pa mensioná ku pegá ku tantu Pos di Kavula komo Pos di Mexico a traha dam. Esun na Pos di Kavula ta trahá den Roi di Chubatu, pabou di kunuku di Alexander Statie.

- Ta eksakto. Kontrolá/revisá bo echonan.
- Bo mester tin pèrmit pa hasi uzo di musíka di tersera òf imagennan pa e video.
- Pa video nan ku no ta na Ingles, porfavor pone sùbtítulo na Ingles.

Algun tep:

- Konta un storia – hende gusta un bon storia. Un mensahe importante no ta sufisiente pa mantené un opservadó/miradó/espektadó su atenshon. Un storia mester keda komuniká di un manera konvensiente pa e opservadó/miradó/espektadó por keda kordá e video despues.
- Ángulo – Un bon storia mester di un ángulo interesante. E storia ta pegá na bo kurason? E ta algu ku bo ta un eksperto den dje òf afektá direktamente dor di dje?
- Focus lokal/regional – Storianan general por ta útil, pero situashonnan spesífiko en partikular lokashon ta mas konvensiente, ya asina hende por mira kiko e situashon ta riba e tereno.

Kon pa partisipá:

- Subi bo video di 60 sékonde riba Youtube òf Vimeo i kompartí esaki riba media sosial usando #MyGroundWaterStory i #WorldWaterDay
- Manda e lenk na mygroundwaterstory@un-igrac.org
- Inskripshon pa e konkurso ya ta habrí. Tin e posibilidat te ku 20 di novèmber 2022 mei anochi (CET) pa drenta e konkurso.
- Despues di e fecha aki, lo hasi kompilashon di un selekshon i proyektá esakinan na "UN-Water Summit" di awa di pos na dezèmber 2022.



Adaptashon di preis di kombustibel entrante 8 di april 2022

KRALENDIJK – For di luna di mart Kolegio Ehekutivo a kuminsá ku e proseso pa mensualmente aktualisá preis di gasolin konforme e preisnan di kompra mensual.

Despues di e anterior adaptashon di preis na luna di mart 2022, entrante 8 di april 2022 un biaha mas ta adaptá e preisnan di benta pa kombustibel. Den e adaptashon di preis di luna di april ta apliká e preskripshonnan di e Dekreto Temporal di 25 di mart 2022 relashoná ku e redukshon di akseins Hulanda Karibense 2022, nr. 2022-104414, (Staatscourant Nr. 8683 di 28 di mart 2022).

Te ku 1 di april 2022 e tarifa di akseins pa gasolin (MOGAS95) tabata USD 31,86 sèn pa hèktoliter. Konforme e dekreto temporal menshoná

| Kombustibel | Preis entrante 8 di april 2022 | Adaptashon |
|-------------|--------------------------------|---|
| Gasolin | \$1,49 | + \$0,06 (sin redukshon di akseins e omento lo tabata + \$0,22) |
| Disel | \$1,28 | + \$0,28 (no tin akseins) |
| LPG 100 | \$68,28 | + \$7.57 |
| LPG 20 | \$14,30 | + \$1,51 |

Splikashon di e komponentenan di tarifa

| Komponente | Splikashon |
|-----------------------------|---|
| Preis di kompra | Preis di kompra pa Curoil |
| Márgen di Curoil NV | Márgen di Curoil pa gastu di almasenahe / transbordo Kòrsou - Boneiru |
| Gastu di transporte KÒR-BON | Gastu di Curoil pa transporte Kòrsou - Boneiru |
| Fuel supply guarantee | Provison pa motibu di gastu operashonal di refinaria Kòrsou |
| Fuel supply guarantee2 | Provison pa motibu di gastu operashonal di refinaria Kòrsou |
| Preis di kompra BON | Tur e komponentenan menshoná akí riba kontá huntu |
| Márgen di Curoil | Márgen di Curoil pa distribushon di kombustibel na Boneiru |
| Akseins | Akseins |
| ABB | ABB |
| Márgen OTB | Pago na kompania di gobièrnu Oil Trading Bonaire - OTB |
| Faktor di korekshon | Faktor pa kalkulá diferensianan entre balotashon i realisashon di e preis di kompra |
| Preis pa benta por mayor | Tur e komponentenan menshoná akí riba kontá huntu |
| Márgen di diler | Márgen di doñonan di pòmp pa benta di kombustibel na Boneiru |
| Preis di benta por menor | Tur e komponentenan menshoná akí riba kontá huntu |

akí riba e tarifa di akseins pa gasolin (MOGAS95) ta USD 15,86 sèn pa hèktoliter pa e periodo di 1 di april 2022 te ku 31 di desèmber 2022.

A base di loke tin menshoná akí riba Kolegio Ehekutivo ta anunsiá e siguiente preisnan di benta pa kombustibel::

| Tarifa entrante 11 di mart 2022 | MOGAS 95 (USD/liter) | LSD (USD/liter) | LPG 100lbs (USD/cyl) | LPG 20lbs (USD/cyl) |
|---------------------------------|----------------------|-----------------|----------------------|---------------------|
| Preis di kompra | 0,6324 | 0,6484 | 39,07 | 7,82 |
| Márgen di Curoil NV | 0,0391 | 0,0391 | 3,61 | 0,72 |
| Gastu di transporte KÒR-BON | 0,0647 | 0,0647 | 5,97 | 1,19 |
| Fuel supply guarantee | 0,0285 | 0,0285 | 2,63 | 0,53 |
| Fuel supply guarantee2 | 0,0500 | 0,0500 | 0,52 | 0,10 |
| Preis di kompra BON | 0,8147 | 0,8307 | 51,80 | 10,36 |
| Márgen di Curoil | 0,0950 | 0,0397 | 2,79 | 0,92 |
| Akseins | 0,3186 | 0,0000 | 0,00 | 0,00 |
| ABB | 0,0983 | 0,0696 | 0,00 | 0,00 |
| Márgen di Oil Trading Bonaire | 0,0335 | 0,0196 | 0,00 | 0,00 |
| Faktor di korekshon | 0,0000 | 0,0000 | 0,00 | 0,00 |
| Preis di benta por mayor | 1,3600 | 0,9596 | 54,59 | 11,28 |
| Márgen di distribuidor | 0,0691 | 0,0402 | 6,12 | 1,51 |
| Preis di benta por menor | 1,43 | 1,00 | 60,71 | 12,79 |

| Tarifa entrante 8 di april 2022 | MOGAS 95 (USD/liter) | LSD (USD/liter) | LPG 100lbs (USD/cyl) | LPG 20lbs (USD/cyl) |
|---------------------------------|----------------------|-----------------|----------------------|---------------------|
| Preis di kompra | 0,8482 | 0,9034 | 46,64 | 9,33 |
| Márgen di Curoil NV | 0,0391 | 0,0391 | 3,61 | 0,72 |
| Gastu di transporte KÒR-BON | 0,0647 | 0,0647 | 5,97 | 1,19 |
| Fuel supply guarantee | 0,0285 | 0,0285 | 2,63 | 0,53 |
| Fuel supply guarantee2 | 0,0500 | 0,0500 | 0,52 | 0,10 |
| Preis di kompra BON | 1,0305 | 1,0857 | 59,37 | 11,87 |
| Márgen di Curoil | 0,0950 | 0,0397 | 2,79 | 0,92 |
| Akseins | 0,1586 | 0,0000 | 0,00 | 0,00 |
| ABB | 0,1027 | 0,0900 | 0,00 | 0,00 |
| Márgen di Oil Trading Bonaire | 0,0335 | 0,0196 | 0,00 | 0,00 |
| Faktor di korekshon | 0,0000 | 0,0000 | 0,00 | 0,00 |
| Preis di benta por mayor | 1,4204 | 1,2350 | 62,16 | 12,79 |
| Márgen di distribuidor | 0,0691 | 0,0402 | 6,12 | 1,51 |
| Preis di benta por menor | 1,49 | 1,28 | 68,28 | 14,30 |

Resultado investigashon maneho di idioma

Papiamentu di chambuká

KRALENDIJK – Re-sientemente e tim di Universidad de Puerto Rico, Universidat di Aruba i Universidat di Utrecht, a entregá resultado di nan investigashon tokante maneho di idioma na Boneiru. Esaki ta loke e tim ta hasi ku idioma den nan trabou, hasi e mihó for di un situashon malu. Despues di diskushon largu durante enkuentro ku un grupo di fokùs ku nan a tene ku trahadónan di servisio sosial i dosentenan, e miembronan di e grupo finalmente a yega na e konklushon ku papiamentu ta chambuká. Esaki ta básikamente e tim ta hasi ku idioma den nan trabou. Sí tin un solo palabra den papiamentu ku por suma e

opinion general ekspresá tokante kon ya dil ku asuntunan di idioma na Boneiru, durante tur entrevista virtual ku a kondusí i enkuentro ku e grupo di fokùs durante e tim su bishita na Boneiru, ta konkluí ku papiamentu ta chambuká.

Asuntunan di idioma no ta keda atendé na e manera ku mester ta na Boneiru. Banda di e diferente hendenan ku a partisipá na e entrestanan, literalmente niun tabata di opinion ku asuntunan di idioma mester keda atendé na un manera korespondiente mas na e nesidat básiko di e mayoria di hende di Boneiru, lagando un banda e manera ku mester tuma adelanto máksimo di nan rekursu

lingwístiko i potensial konsiderabel.

Komo resultado ku tur gremio, for di esun mas yònte na esun mas grandi, ta haña nan mes diariamente ta bringa i hasiendo tur kos ku nan por pa hasi mihó di e situashon malu momentu ku nan konfrontá problema serio kousá pa e aserkamentu di e pólisa di idioma riba e isla. Teniendo cuenta ku e aktividatnan aki, e tim a fokùs riba esnan ku ainda no a tende nan bos tokante e transkurso di e hopi debatenan ku tabatin den pasado relashoná ku pólisa di idioma institushonal i praktiká riba e isla. Tambe a habri kombersashon pa inkluí opinionnan nobo i punto di bista di mas ehèmpel re-

presentativo di e komunidad ku promé. E tim tabata spesialmente interesá den inkorporá e perspektivanan di e aktividatnan diario aki i pone nan den situashonnan kaminda pólisa institushonal di idioma tin mihó impakto, manera kuido di salú, dosente i nivelnan di edukashon i trahadónan sosial i komunitario, enkargá ku tur sektor di e sosiedat.

Akuerto general

Apesar ku e tim a intentá pa maksimalisá e diversidat di bos representá den su data, a haña ku tabatin desakuerdo konsiderabel di akuerdo general relashoná ku pólisa di idioma institushonal i praktiká na Boneiru. No ta dil adekua-

damente ku asuntunan di idioma riba e isla.

Hulandes ta e idioma estranhero pa mayoria boneriano. Trahadónan ku ta proveé servisio na e komunidad ta dura mucha tempu pa tradusí di hulandes, en bes di proveé servisio ku nan mester duna. Sin aporte ofisial, uso di ingles ta krese rápidamente bou di hubentut. Hopi boneriano a entregá, laga para numa, Boneiru a bira un sosiedat ku ta atrapá pa sigui pólisa di idioma institushonal i praktiká permanente den forma di chambuká, loke ta bèrdat tambe, e boneriano ta trata na hasi su bèst, semper nan ta mira nan mes den e mihó maneho pa hasi mihó di e situashon malu.

Proyekto `moestuïn` kanando bon

KRALENDIJK—E eksperensia i tambe interproyekto di LVV kaminda esnan interesá por a haña pida tereno pa planta, ta kanando bon. Tur djaweps nan ta topa i ta yuda otro ku plantamentu, kompartí eksperensia i tambe interkambiá mata i simia. Na e sitio mes tin awa. Tambe tin mèst di buriku ku e agrikultornan por hasi uzo di dje. Pronto pues por spera kosecha di nos hendenan lokal.



Beyond the Corals

is looking for

Experienced PADI Dive instructors

We are a fast growing PADI 5 Star Dive center on Bonaire. Professionalism, good service and friendliness are the core of our business.

We offer a nice work environment, with lots of variety, good pay and great weather.

Are you interested?

Please submit your application to:

info@beyondthecorals.com

Diputado Kroon:

“Mester di otro vishon i mihó struktura pa kresementu di Boneiru”

KRALENDIJK— “Boneiru su poblashon i tambe aktividatnan ekonómiko ta kresiendo, pero apesar di esei Boneiru su kalidat di bida mester keda aseptabel pa su habitantenan. P’esei nos mester traha sabí pa ku espasio”, segun diputado James Kroon (Espasio i Desaroyo).

“Ta bunita ku nos isla ta atraktivo ekonómikamente, pero kalidat di bida no mes-

ter sufri bou di esaki. Mi ta kontentu ku e oferta di gabinete hulandes pa yuda nos traha nos programa di desaroyo di espasio, ku ta inklui un vishon nobo i mihó struktura pa kresementu duradero.”

E diputado ta muestra riba e echo ku Boneiru ta pará dilanti di retonan grandi. “Biba i traha den i rondó di sentro di Kralendijk ta bira kada bes ménos atraktivo.

Banda di esei nos sentro di siudat ta bira pokopoko ménos alkansabel. No tin espasio pa adaptashon di e infrastruktura den Playa. Nos no por sigui asina. Filanan ta kousa iritashon, pero tambe polushon di aire, establementunan ta pèrdè kliente pa motibu di eskases di lugá pa stashoná outo. P’esei nos mester buska e solushon pa e nesesidat di konstruí bibienda pafó di

e tradishonal Kralendijk i bisindario. Sino e tradishonal Kralendijk i bisindario ta bira inhabitabel pa hendenan di e isla, bishitantenan i empresarionan.”

E kambionan di klima tambe ta bai hunga un ròl grandi aki riba. “KNMI ta advertí nos ku e kosta na parti sùit ta vulnerabel pa subimentu di e nivel di awa den kombinashon ku tormentanan ku ta birando mas fuerte. Subida di temperatura den Playa por trese strès pa motibu di kalor, ya ku no tin hopi vegetashon (bèrdè). Nos klima tambe ta birando mas seku. Esei ta desbentahoso pa agrikultura i hortikultura, ku nos lo ke uza pa baha kosto di bida.” KNMI ta pronostiká ku den e próksimo desenia ménos áwaseru lo bai kai, pero ku na momentu ku áwaseru kai e lo ta duru i di un durashon kòrtiku. “Esei lo sòru pa hopi molèster di awa. Nos mester sòru pa un mihó sistema pa por kombatí eroshon, en bes di laga santu i tur otro kos pasa bai laman i hasi daño na e rifnan. E awa mester por keda di fangu, pa entre otro saliñanan i tankinan, pa asina

por uz’e pa agrikultura.”

Kroon: “Kada unu di e kosnan aki ta forma un menasa pa e kalidat di bida na Boneiru. Un programa di desaroyo di espasio, di kua minister di bibienda públiko i desaroyo di espasio, Hugo de Jonge, ke papia ku nos, ta nesesario pa asina por dirigí e isla den un rumbo duradero pa futuro. Boneiru asina por keda un lugá atraktivo pa nos mes, invershonista- i bishitantenan.”

E programa por duna klaridat tokante e mihó lokashonnan kaminda por konstruí barionan nobo i tambe unda por tin aktividat ekonómiko sin ku esaki ta afektá nos naturalesa. No hasi nada, segun Kroon, no ta un opshon: “Ta mira Boneiru komo un pèrta di kua masha poko a keda tin ainda na mundu. P’esei ami ta bisa: nos ta pará na un punto importante. Nos ta na tempu ainda pa nos mes por definí e futuro di nos isla, pero e tempu ta pèrta. Ta p’esei awor nos mester traha un vishon nobo pa planifikashon di aktividatnan humano i den balanse ku naturalesa.”

Departamento di Salubridat Públiko ta lansa djengel ‘Biba kuné’

KRALENDIJK- Departamento di Salubridat Públiko a lansa e djengel ‘Biba kuné’. A traha ‘Biba kuné’ pa rekordá tur hende kon tene Boneiru salú awor ku no tin medida di corona mas. Kolaboradó Shermantha Frans di departamento

di Salubridat Públiko a skirbi músika i teksto pa e djengel. JC and Friends a kanta i toka e djengel. Despues ku a stòp ku medidanan di corona, departamento di Salubridat Públiko a kuminsá ku un kampaña pa informá komunidat kon

tene Boneiru seif. Asina a traha un videoclip tokante tèst propio pa alumnonan di enseñansa sekundario. Den e video, un alumno di skol sekundario ta splika kon dos biaha pa siman e ta hasi un tèst propio promé ku e bai skol. Pronto empleadonan di departamento di Salubridat Públiko ta bai skol pa informá alumnonan tokante biba ku corona. Departamento di Salubridat Públiko ta preparando tambe un akshon ku bista riba selebrashon di Dia di Rincon. Preparashonnan pa e akshon aki ta den ful suin.



Shon Bubu pilá sólido di maskarada

KRALENDIJK – Du- tabata un pilá fuerte i sólido tabata kompañá maskarada rante hopi aña Shon Bubu di e grupo di musikant ku na Boneiru. El a fayesé dia

promé di aprel último i mañan djasabra ta tuma despedida di dje. No por keda sin pone atenshon na Shon Bubu. Alejandro Anacleto Thielman a nase na Boneiru den bario Nort di Saliña dia 26 di yuni 1924. Famia Thielman ta desendiente di e funshonarionan di West Indische Compagnie ku a bai biba den área aki di Boneiru, konosí ántes komo Kunuku Bieu.



bira selador òf en todo kaso a bai traha den e sektor ei. Por ehèmpel Tamara, Eddy, Payo i Piero.

Shon Bubu, ku a bira su nòmber di kariño, tabata selador, duanero, ku a traha te asta na Slagbaai, tempu ku e sitio aki tabata un haf di Boneiru. El a yega di papia ampliamente riba e periodo aki di su bida. Por ehèmpel kon, debí na e distansia i falta di medionan di transporte adekuá, nan tabata keda drumi komo selador durante un siman den un kasita te na nort di Boka di Slagbaai. Su koleganan di e tempu ei tabata entre otro Chon Nicolaas, Papa Manuel i diferente otro. Interesante ta ku diferente yu i nietu di Shon Bubu tambe a

banda di Payo, práktika-



Tur loke ta payroll i HR den bo plant'i man!

www.payrollprohrm.com

GET IT ON Google Play | Download on the App Store | Payroll Pro

2022

AVIATION SEMINAR

Falki Aviation Curaçao and Bonaire Foundation and Ocala Aviation Flight School is organizing an Aviation Seminar in Curaçao and Bonaire.

Becoming a pilot has it's challenges. With proper information you can know more about the path on how, why and where to become a pilot. Flying for fun or for profession? Know more, save time, money and register for your introduction flight and start working on achieving your dream.

Speakers: Franklin Antoin (Falki Aviation)
Brad Broersma (Ocala Aviation)

FREE
entrance

YES, YOU CAN FLY

Curaçao

Place: Avila Beach Hotel, La Belle Alliance conference room.
Date: Friday, April 8th 2022
Time: 19:00-22:00

Bonaire

Place: Divi Flamingo, Peter Hughes conference Room.
Date: Saturday, April 9th 2022
Time: 19:00-22:00

Reserve at info@falkiaviation.com or whatsapp +599 9 526-2819.

Bo ta un empresario inovativo, creativo, sostenibel i ku un vishon diferente?

Of bo a kaba di kuminsá ku bo negoshi, i bo tin mester di networking i un empue pa bo negoshi sigui krese?

businesspark ta bo chèn!

Mester apliká mas tardá
29 di April 2022!

Pa apliká, mester kumpli ku lo siguiente:

- ✓ Bo tin un plan di negoshi
- ✓ Bo ta inskribí na Boneiru
- ✓ Tin 18 aña di edat bai ariba
- ✓ Bo ta doño di bo mes negoshi
- ✓ Bo ta produsí bo propio produkto òf servisio
- ✓ Bo negoshi ta inskribí na KvK i tin un CRIB-nummer

Pa apliká, manda un meil na: empresa@bonaigov.com | Pa mas informashon: [+599 715-5369](tel:+5997155369)

Un presentashon di bo negoshi lo forma parti di bo aplikashon



mente tur yu di Shon Bubu a haña e base pa bira muskant i ganadó. Di tur manera, aktivo den muzik, kanto i presentashon musikal na

misa i otro lugá públiko. Shon Bubu ta laga tras su esposa Laura, su yunan i basta niету ku bisanietu i sigui bai.



Jalvicar B.V.

ta buska

2 automonteur

-mester tin 3 aña di eksperensia i ta responsabel.

Pa mas inf. por yama **717-3163**

Entrada hudisial i detenshon

KRALENDIJK -- Den oranan di atardi djaluna 4 di april diferente unidat hudisial a tene entrada hudisial na un kas situá den a bario di Sofaya na Rincon i na un kunuku, tambe na Rincon.

A tene e entradanan hudisial en konekshon ku kasonan andando di kiebro den akomodashonnan

turístiko i ladronisia na sitionan turístiko.

Durante di e entradanan a konfiská vários artíkulo. En konekshon ku e kaso aki, a detené dos hòmberte ku awor. Mas lat a laga un di e hòmbènan aki den libertat. Investigashon den e kaso ta den andando i no ta ekskluí ku lo bai tin mas detenshon.



OPENBAAR LICHAAM
BONAIRE



Vacature

*Wees het verschil wat je wilt zien.
Solliciteer nu!*

Wetgevingsjurist

Meer informatie?



www.bonairegov.com/bestuur-organisatie/vacatures

Bo ta testigu, pero ta preferá mèldu esaki di forma anónimo?

Yama 9310!



politie@politiecn.com

www.politiecn.com

STATIA/SABA/ST. MAARTEN

Sekretario general suplente di VWS ta bishitá Islariba

SABA/STATIA -- Sekretario general suplente di VWS, Abigail Norville, di e ministerio di Salubridat Públiko, Bienestar i Deporte (VWS), huntu ku un delegashon a hasi un bishita di trabou na Saba i Sint Eustatius di 3 te ku 6 di aprel. E bishita aki tabata den kuadro di sera konosí ku Islariba. Meta di e bishita ta pa haña un bon bista di e islanan i e desaroyonan riba tereno di kuido, hubentut i bienestar.

Durante di e bishita di tres dia na Sint Eustatius, señora Norville a hiba kombersashon ku diferente partido i dunadó di kuido, tokante entre otro e manera kon ta eksperensia e servisio di Kuido i Hubentut

Hulanda Karibense (Zorg en Jeugd Caribisch Nederland, ZJCN) i tokante e oferta di kuido riba e isla. Tambe tin atenshon pa tareanan den kua Entidat Públiko i VWS ta traha huntu, manera e aserkamentu di violensia doméstiko i maltrato di mucha i desaroyo di fasilidatnan di deporte.

Segun señora Abigail; "mi a mira ku hendenan riba e isla ta hopi involukrá i kreativo. Durante mi bishita mi por a toka e tópikonan difisil tambe, manera e proseso di traslado médiko. Ta duel mi ku hendenan di Sint Eustatius tin e sentido ku e ofisina di ZJCN no ta nan ofisina. Mi ta apresia ku hendenan tabata habrí i transparente."

Durante di e enkuentro ku konseho di supervishon di Sint Eustatius Health Care Foundation (SEHCF) a kombersá tokante e kuido ku e sentro médiko ta ofresé. Banda di esaki tabatin atenshon tambe pa desaroyonan ku kuido a pasa aden e último añanan i unda mehorashon rápido ta nesario.

Serka tur partner di kombersashon a para ketu tambe na e notisia trágiko rondó di fayesimentu resien di un pashènt di SEHCF.

"Mi ta lamentá e suseso aki masha hopi mes i mi ke kompartí mi simpatia. Esaki ta un drama grandi pa e famia pero tambe pa e komunidad di Sint Eustatius. Mi a nota ku e ta lòshopi

emoshon i esaki mi ta komprondé. A hasi notifikashon serka Inspekshon di Salubridat i Hubentut. A base di esaki lo inisiá un investigashon pa saka afó kiko a sosodé," segun Abigail Norville.

Den kombersashon ku partidonan a konstatá ku ainda nos tin hopi di hasi huntu. Pa garantisá un bon salú pa kada habitante di Sint Eustatius, un bon kolaborashon entre VWS,

SEHCF i Entidat Públiko ta nesario. Kada partido tin su mes un ròl den esaki.

Komo resultado di e bishita, VWS, SEHCF i Entidat Públiko ta bai inisiá akshonnan huntu pa por ofresé e habitante di Sint Eustatius un mihó kalidat di kuido.

Binimentu huntu di e partidonan den un grupo di enfoke pa sòru pa mehorashon tuma lugá, ta parti di esaki.



Dave Levenstone di UPM:

Importante pa tin konekshon será

SABA – Dave Levenstone di United People Movement (UPM) ta di opinion ku komo bon polítiko un kos hopi importante pa hasi ta tene konekshon será ku e rumannan di Karibe den tur área. Pa su per-

sona, ta loke representantenan eligí di Saba ta laga di deseá den esaki.

Levenstone: "Nos no ta forma parti di Antia Hulandes mas, pero personalmente mi ta sinti ku e relashon ku tabatin ku Kòrsou,

Aruba i St. Maarten, mester bira mas fuerte. Desde 10-10-10 mi no a mira òf tende ku ningun di nos representantenan eligí a biaha pa ningun di e tres islanan i tene diskushon ku ningun entidat di e islanan."

Kòrsou tin un sentro médiko ultra moderno di kon representantenan eligí no a biaha i bishitá e sentro i papia ku nan. Nos ta mandando pashènt ei nan, pues na su humilde opinion, segun Levenstone, sikiera e

diputado ku responsabilidat pa salú públiko por a pone ya kaba un delegashon huntu i biaha pa Kòrsou.

Kuido di salú ta un responsabilidat di gobièrnu nashonal, pero komo gobièrnu lokal tin responsabilidat tambe, biaha pa Kòrsou i mira kiko nan tin di ofresé den terminologia di kuido salú pa asina por tene diskushonnan ku gobièrnu nashonal pa asina sa di e posibilidatnan di CMC, Levenstone ta skirbi.

Na opinion di Levenstone, ketu bai nos tin relashon fuerte ku famia i kultura ku Kòrsou, Aruba i St. Maarten. St. Maarten tambe ta konstruyendo un bunita sentro médiko, di kon no subi fèri i bai ei nan i topa ku nan tambe. St. Maarten ta renobando su aeropuerto ku nos ta usa riba un base diario.

Nos mester di un konseho insular ku ta mira banda di Den Haag. Kontakto regional ta hopi importante pa hopi aña.

Protesta pa mihó kuido di salú

STATIA – Un kantidat di persona bou di e lema 'Basta ta basta', a tene un marcha di protesta silensioso kontra falta di kuido di salú na St. Eustatius. E marcha a finalisá na Sentro Médiko Reino Beatrix, ku entrega

di un petishon. Indikashon direkto di e demostrashon, ta morto wikènt pasá di un habitante. E kuido médiko ku e tabatin mester urgente, a tarda dor di burokrasia di entre otro e ofisina di seguro di kuido di Karibe Hulan-

des. Siman pasá dòkter di kas, Michelle van Tongeloo, kende a traha un aña na St. Eustatius, a publiká den Vrij Nederland un esena kaminda por lesa ku e tabatin hopi keho kontra e sistema di kuido na islanan

BES. Ounke ku e dòkter entre tantu a regresá Hulanda, stasianonan regularmente ta aserká e dòkter pa konseho. E dòkter ta konsiderá pa lanta un kaso den Korte kontra e ministerio pa mihó kuido riba e isla.



IMÁGENAN DI NOS PASADO - BEELDEN UIT ONS VERLEDEN

Ekipo di futbòl Estrellas

Futbòl tabata e promé deporte organisá di Boneiru. Un di e ekiponan fuerte di futbòl den historia di Boneiru ta Estrellas di Nort di Saliña. Por mira e ekipo den un di su mihó tempunan.

Voetbalclub Estrellas



Voetbal was het eerste georganiseerde sport op Bonaire. Eén van de beste voetbalclubs op Bonaire is Estrellas van Nort di Saliña. Hier is Estrellas te zien in de goeie ouwe tijden.



MONCHI & TONCHI

Splika mi un kos Tonchi. Kon bini ta papia di pobresa i hamber, anto tin problema di obesidat na Boneiru?

Awèl sí. Tin un kos ku no ta klòp aki. Kon ta bai pon'é klòp? Bo tin un idea?



KOLOFÓN
 Editor Bonaire
 Communication
 Services N.V.
 Kaya Irlanda 12,
 Tel. 717-8482

E-mail:
extrabon@gmail.com
 Wèpsait:
www.extraboneiru.com

Direktor
 Shirley Martis
 785-3824
 796-3824
Hefe di redakshon
 Bòi Antoin
 786-6818
Redakshon
 Armand 'Papi' Antoin
 Davienuska Janga
 Velli Gijsbertha
 Nathaly Evertsz

Edson Pietersz
 Ibi Piar (deporte)
Partner na Aruba
 Awe Mainta
Partner na Aruba
Extra
Layout
 Davienuska Janga
Aviso
avisobon@gmail.com



ENTIDAT PÚBLIKO
BONEIRU

PARTISIPASHON



Kolegio Ehekutivo di Entidat Públiko Boneiru, a base di artíkulo 2.8 insiso 3 di e Lei di bibienda públiko, planifikashon espasial i maneho ambiental BES, ta partisipá ku den e periodo **te ku 15 di mart 2022** a risibí e siguiente petishonnan pa pèrmit di konstrukshon:

| Zaak kenmerk | Aanvraag datum | Vergunning aanvraag voor | Andere soorten bouwwerken | Perceel gegevens | Wijk | Straat en huisnummer |
|--------------|----------------|--------------------------|--|--------------------------------|------------------|---------------------------|
| Z/22/000497 | 11-3-2021 | Bouwen | Werkkamer | 4-A-47 | Santa Barbara | Kaya Diamanta 92 |
| Z/22/000638 | 15/12/2021 | Bouwen | Woonhuis | 4-A-2178 | Sabadeco | 95 |
| Z/22/000728 | 1-10-2022 | Bouwen | Woonhuis | 4-D-12-2921 | Hato | Kaya Pawnee z/n |
| Z/22/000766 | 18/1/2022 | Bouwen | Woonhuis | 4-A-2607 | Sabadeco | Sabadeco Crown West 270 |
| Z/22/000791 | 20/1/2022 | Bouwen | Woonhuis | 2-C-190 | Rincon | Kaya Ramon B. Goeloe 29 |
| Z/22/000793 | 21/1/2022 | Bouwen | Woonhuis | 4-G-3862 | Nikiboko | Sonrisa di Lac # 98 |
| Z/22/000805 | 24/1/2022 | Bouwen | Woonhuis | 4-H-518 | Belnem | La Palma 72 |
| Z/22/000810 | 24/1/2022 | Bouwen | Woonhuis | 4-E-1107 | Antriol | Kaya Aquila 07 |
| Z/22/000827 | 26/1/2022 | Bouwen | App/Kort verblijf | 4-D-1616 | Kralendijk/Playa | Kaya Sur Bartola |
| Z/22/000839 | 27/1/2022 | Uitbreiden | Overkapping, Porch | 4-D-514 | Nikiboko | |
| Z/22/000848 | 28/1/2022 | Bouwen | Overkapping, Porch, Carport | 4-G-1285 | Nikiboko | Kaya Castor z/n |
| Z/22/000/851 | 28/2/2022 | Bouwen | Vrijstaande woonhuizen, zwembad | 4-H-893 | Belnem | Punt Vierkant 44 |
| Z/22/000/855 | 30/1/2022 | Bouwen | Woonhuis | 4-G-3822 | Nikiboko | Sonrisa di Lac # 18 |
| Z/22/000/856 | 30/1/2022 | Bouwen | Woonhuis | 4-G-3841 | Nikiboko | Sonrisa di Lac # 56 |
| Z/22/000/857 | 30/1/2022 | Bouwen | Woonhuis | 4-G-3843 | Nikiboko | Sonrisa di Lac # 60 |
| Z/22/000/858 | 30/1/2022 | Bouwen | Woonhuis | 4-G-3848 | Nikiboko | Sonrisa di Lac # 70 |
| Z/22/000/859 | 30/1/2022 | Bouwen | Woonhuis | 4-G-3866 | Nikiboko | Sonrisa di Lac # 8 |
| Z/22/000/860 | 30/1/2022 | Bouwen | Woonhuis | 4-G-3867 | Nikiboko | Sonrisa di Lac # 10 |
| Z/22/000868 | 31/1/2022 | Bouwen | Woonhuis | 4-A-655 | Santa Barbara | Kaya Peridito |
| Z/22/000876 | 2-1-2022 | Bouwen | Woonhuis | 2-C-262 | Rincon | Kaya Ramon Goeloe |
| Z/22/000877 | 2-1-2022 | Bouwen | Appartement | 4-D-256 | Playa Pabou | Kaya Gobernador N. Debrot |
| Z/22/000896 | 2-3-2022 | Bouwen | Zwembad, meerdere woonhuizen onder een kap | 4-G-3895 | Nikiboko | Sonrisa di Lac kv 78 |
| Z/22/000897 | 2-3-2022 | Bouwen | Appartement, container | Register nr 1544 3 de District | Antriol | Kaya Dr. Hernandez # 6 |
| Z/22/000904 | 2-4-2022 | Bouwen | Appartement | 2-B-1346 | Rincon | Kaya Taki |
| Z/22/000909 | 2-6-2022 | Bouwen | Woonhuis | 4-H-478 | Lima | La Palma 32 |
| Z/22/000910 | 2-6-2022 | Bouwen, Uitbreiden | Woonhuis, Kantoor, Anders | 4-A-1273 | Republiek | Kaya Perla 1 |
| Z/22/000912 | 2-7-2022 | Bouwen | Appartementencomple x | 4-H-365, 4-H-366, 4-H-367 | Belnem | Kaya Leo |
| Z/22/000913 | 2-7-2022 | Bouwen | Woonhuis | 4-G-3852 | Nikiboko | Sonrisa di Lac #78 |
| Z/22/000916 | 2-7-2022 | Bouwen | Projectontwikkeling, Geschakelde Woonhuizen/appartemen ten | 4-D-3517 | Hato | Gelegen aan Kaya Pauwnee |
| Z/22/000929 | 2-8-2022 | Bouwen | Renovatie bestaande pier | 4-F-33 | Kralendijk/Playa | Bulevar J.A. Abraham |
| Z/22/000930 | 2-8-2022 | Gedeeltelijk, Uitbreiden | Woonhuis | 4-G-1210 | Nikiboko | Kaya Hermes 1 |
| Z/22/000933 | 2-9-2022 | Bouwen | Woonhuis | 4-A-2710 | Hato | Kaya den Bosch 7 |
| Z/22/000934 | 2-9-2022 | Bouwen | Woonhuis | 4-A-2711 | Hato | Kaya den Bosch 9 |
| Z/22/000935 | 2-9-2022 | Bouwen | Projectontwikkeling, Geschakelde woonhuizen/appartemen ten | 4-D-3517 | Hato | Gelegen aan Kaya Pauwnee |
| Z/22/000938 | 2-9-2022 | Bouwen | Appartementen | 2-B-9 | Rincon | Kaya Rincon |

E notifikashon públiko tin solamente komo meta pa informá tur hende tokante e petishonnan pa pèrmit di konstrukshon ku a keda entregá. Si bo ta un interesado ta posibel pa ekspresá bo puntonan di bista pa medio di un opheshon durante e 6 simannan ku e desishon den forma di konsepto ta disponibel pa tira bista aden na departamento di Asuntunan Hurídiko. Te asina leu ku ta posibel Entidat Públiko Boneiru ta tene kuenta ku bo puntonan di bista den e desishon definitivo. Si bo no ta di akuerdo ku e desishon definitivo, bo por bai den apelasjon na korte.

Kolegio Ehekutivo di Entidat Públiko Boneiru. Na nòmber di esaki, direktor di Direktorado di Planifikashon i Desaroyo di Entidat Públiko Boneiru.

Ing. Marlon Martina, MBA



ENTIDAT PÚBLIKO
BONEIRU

PARTISIPASHON



Kolegio Ehekutivo di Entidat Públiko Boneiru, a base di artíkulo 2.8 insiso 3 di e Lei di bibienda públiko, planifikashon espasial i maneho ambiental BES, ta partisipá ku den e periodo **te ku 15 di mart 2022** a risibí e siguiente petishonnan pa pèrmit di konstrukshon:

| | | | | | | |
|-------------|------------|-------------------------------------|--|---|------------------|-------------------------------------|
| Z/22/000939 | 2-9-2022 | Bouwen | Woonhuis | 4-A-2511 | Nawatti | Kaya Brons |
| Z/22/000962 | 14-02-2022 | Bouwen | Woonhuis | 4-B-403 | Kralendijk/Playa | Bona Bista Pure 36 kavel P27 |
| Z/22/000967 | 15-02-2022 | Bouwen | Berging | 4-D-354, 4-D-834, 4-D-960, 4-D-961 | Kralendijk/Playa | Kaya Gob Debrot 79 |
| Z/22/000984 | 16-02-2022 | Bouwen, Verbouwen | Nieuwe loods | 4-G-2888 | Tera Kora | Kaya Londres |
| Z/22/000985 | 16-02-2022 | Bouwen | Langverblijf verhuur | 4-G-3879 | Nikiboko | Sonrisa di Lac 62 |
| Z/22/000988 | 16-02-2022 | Bouwen | Woonhuis | 4-E-3862 | Jato Baco | Bella Vista 15 |
| Z/22/000989 | 16-02-2022 | Bouwen | Woonhuis | 4-E-3861 | Jato Baco | Bella Vista 17 |
| Z/22/001016 | 21-02-2022 | Bouwen | Appartementen | 4-E-728 | Nikiboko | Kaya Niki Boko Noord 9 |
| Z/22/001021 | 21-02-2022 | Bouwen | Woonhuis | 4-G-3773 | Nikiboko | geen |
| Z/22/001029 | 22-02-2022 | Bouwen | Woonhuis | 4-E-2230 en 4-E-2609 | Antriol | Kaya Mendelssohn # 15 |
| Z/22/001033 | 22-02-2022 | Uitbreiden | Zwembad, kantoor, garage, anders | 4-F-650 | Belnem | Kaya Luna 4 |
| Z/22/001041 | 24-02-2022 | Slopen, Bouwen | Woonhuis | 4-F-32 | Kralendijk/Playa | Boulevard Julio A. Abraham 67 |
| Z/22/001042 | 24-02-2022 | Bouwen | Woonhuis | 4-G-3979 | Vista Royal | Vista Royal 12 |
| Z/22/001043 | 24-02-2022 | Uitbreiden | Langverblijf verhuur | 4-E-3484 | Nikiboko | Kaya Nikiboko z/n |
| Z/22/001044 | 24-02-2022 | Uitbreiden | Langverblijf verhuur | 4-D-1078 | Kralendijk/Playa | Boulevard Gouverneur Debrot |
| Z/22/001046 | 24-02-2022 | Bouwen | Zwembad | 4-F-967-964 | Kralendijk/Playa | Kaya International 90 |
| Z/22/001054 | 25-02-2022 | Bouwen | Nieuwbouw Zendmast | 2-C-203 | Rincon | Ingang Villa Eiland Plaza rincon |
| Z/22/001058 | 25-02-2022 | Bouwen | Woonhuis | 4-G-3905 | Tera Kora | kaya Essequibo 3 |
| Z/22/001060 | 28-02-2022 | Bouwen | Woonhuis | 2-B-890 | Rincon | Kaya Kayena Kv # 890 |
| Z/22/001062 | 28-02-2022 | Bouwen | Garage, carport | 4-A-1887 | Nawati Zuid | Kaya Palladium ntb. |
| Z/22/001063 | 28-02-2022 | Uitbreiden | Woonhuis | 4-G-2046 | Tera Kora | Kaya Mgr Nieuwind # 112 |
| Z/22/001068 | 28-02-2022 | Uitbreiden | Woonhuis | 4-D-2330 | Antriol | kaya Sirena lot 2330 |
| Z/22/001069 | 28-02-2022 | Installeren | Tent | 4E884 | Lagoen | Kaminda Lagun 53 |
| Z/22/001073 | 3-1-2022 | Bouwen | Woonhuis | 4-E-1995 | Lagoen | Lagoen Hill 21A |
| Z/22/001079 | 3-2-2022 | Bouwen | Langverblijf verhuur | 4-E-1106 | Antriol | Kaya Vita 6 |
| Z/22/001082 | 3-2-2022 | Uitbreiden | Woonhuis | 4-A-2636 | Republiek | Kaya Turquoise 23 |
| Z/22/001083 | 3-2-2022 | Bouwen | Woonhuis | 4-G-01378 | Tera Kora | Kaya Japura |
| Z/22/001085 | 3-2-2022 | Bouwen | Woonhuis | 4-H-589 | Belén | Kaya Pos Mangel |
| Z/22/001087 | 3-2-2022 | Bouwen | Woonhuis | 4-D-2939 | Hato | Kaya Heerlen Kv 2939 |
| Z/22/001088 | 3-2-2022 | Bouwen, Uitbreiden | Appartementencomple x/ Appartement | 4-D-750 | Kralendijk/Playa | Kaya Niagara |
| Z/22/001090 | 3-2-2022 | Bouwen | Woonhuis | 4-A-880 | Santa Barbara | Kaya Kuarts 3 |
| Z/22/001095 | 3-2-2022 | Bouwen | Woonhuis | 4-H-718 | Belnem | Kaya Virgo #1 |
| Z/22/001096 | 3-2-2022 | Bouwen | Knoekhuis | 2-C-5 (Kavel E3) | Rincon | xxx |
| Z/22/001100 | 3-3-2022 | Bouwen | Appartementencomple x | 4-D-1018 | Kralendijk/Playa | Kaya India # 2 |
| Z/22/001102 | 3-4-2022 | Uitbreiden | Woonhuis | 4-E-2139 | Antriol | Kaya Gloria |
| Z/22/001106 | 3-6-2022 | Uitbreiden | Appartement, Berging | 4 Sectie G nr 1179 | Den chefi | Kaya Misoa |
| Z/22/001109 | 3-7-2022 | Bouwen | Woonhuis | 4-A-26 | Santa Barbara | Hoek Kaya Topaz |
| Z/22/001112 | 3-7-2022 | Bouwen | Kortverblijf verhuur, zwembad | 4-G-1566, 4-G-2240. | Nikiboko | Kaya Falkon 8 |
| Z/22/001115 | 3-7-2022 | Uitbreiden, Bouwen, Verbouwen | Kantoor, Anders | 4-D-2637, 4-D-2638 | Kralendijk/Playa | Kaya Fraternal di Tilburg 1 |
| Z/22/001119 | 3-7-2022 | Bouwen, Uitbreiden | Berging, meerdere woonhuizen onder een kap | 2-C-20, 2-C-21 en 2-C-120 | Rincon | Kaya Taki 11 |
| Z/22/001138 | 3-9-2022 | Bouwen | Woonhuis | 2-B-551 | Rincon | Rincon |
| Z/22/001142 | 3-9-2022 | Bouwen | Zwembad | 4-F-762 | Lima | kavel 96 |
| Z/22/001144 | 3-9-2022 | Bouwen, Uitbreiden | Warenhuis, anders | 4-G 629 and 4-G 2839 | Kralendijk/Playa | Kaya Industria 26 |
| Z/22/001145 | 3-10-2022 | Bouwen | Woonhuis | 4-G-3883 | Nikiboko | onbekend |

| | | | | | | |
|-------------|------------|-----------------------|---|-----------------------------------|------------------|-------------------------------|
| Z/22/001155 | 3-10-2022 | Bouwen | Pier ten behoeve van de duikshop bij Chogogo Dive Beach Resort | 4-D-3284 | Hato | Kaya Debrot 75b |
| Z/22/001159 | 3-11-2022 | Bouwen | Zwembad | 4-F-1138 | Kralendijk/Playa | J.A. Abraham Boulevard 104 |
| Z/22/001160 | 3-11-2022 | Bouwen, Uitbreiden | Woonhuis | 4-A-2315 | Republiek | Kaya Heru 13 |
| Z/22/001161 | 3-11-2022 | Bouwen | Woonhuis | 4-H-453 | Belnem | La Palma 13 |
| Z/22/001173 | 14-03-2022 | Bouwen | Woning | 4G3597 | Nikiboko | Tanki Matrimonio 95 |
| Z/22/001174 | 14-03-2022 | Bouwen | Woning | 4G3612 | Nikiboko | Tanki Matrimonio 102 |
| Z/22/001183 | 14-03-2022 | Bouwen | Langverblijf verhuur | 4-A-2217 | Hato | Kaya Breda 78 |
| Z/22/001195 | 15-03-2022 | Bouwen | Woning | 4-E-1811 | Nikiboko | kaya Chokwekwe 7a |
| Z/22/001203 | 16-03-2022 | Bouwen | Woonhuis | REGISTER NR.5000, 4de district | (blanko) | Kaya Gilberto R.E. Herrera |

E notifikashon públiko tin solamente komo meta pa informá tur hende tokante e petishonnan pa pèrmit di konstrukshon ku a keda entregá. Si bo ta un interesado ta posibel pa ekspresá bo puntonan di bista pa medio di un opheshon durante e 6 simannan ku e desishon den forma di konsepto ta disponibel pa tira bista aden na departamento di Asuntunan Huridiko. Te asina leu ku ta posibel Entidat Públiko Boneiru ta tene kuenta ku bo puntonan di bista den e desishon definitivo. Si bo no ta di akuerdo ku e desishon definitivo, bo por bai den apelasashon na korte.

Kolegio Ehekutivo di Entidat Públiko Boneiru. Na nòmber di esaki, direktor di Direktorado di Planifikashon i Desaroyo di Entidat Públiko Boneiru.

Ing. Marlon Martina, MBA

Apesar ku famianan di e víktima a oponé kontra su libertat

Despues di 38 aña será ku kastigu di bida largu, Lake ta rekobrá libertat

WILLEMSTAD.- Ashton Lake (58) nasé na Anguilla, kondená na bida largu pa violashon kruek di e damita Amy Velasquez ku e tempu ei tabatin apénas 6 aña na Sint Maarten, a rekobrá su libertat kondishonal, despues di 38 aña. Lake e tempu ei a keda akusá pa sekuestro, violashon i asesinato.

Segun e tribunal di Hof den su desishon di djáron ultimo, e eheshon adishonal di kastigu di prisòn, ya no tin niun propósito rasonabel mas.

Bida largu

Dia 1 di yùni 2015 e artíkulo 1:30 di Kódigo Penal a drenta na vigor na Sint Maarten. E artíkulo aki ta enserá ku un persona ku a ser kondená pa bida largu despues di 25 aña será, por rekobrá su libertat kondishonal, si korte ta di opinion ku un eheshon adishonal ya no tin niun propósito rasonabel mas.

Pa por tuma un desishon tokante esaki, korte ta tene kuenta ku e posishon di famianan di e víktima i e peliger ku e akusado ainda por kometé un akto kastigabel atrobe.

Na 1985 e persona a ser kondená pa bida largu dor di tabata kómplise di sekuestro violashon i asesinato.

E víktima tabata un mucha muhé di 6 aña di edad. E tempu ei Korte a konsiderá ku for di rapòrtan di ekspertonan por a tuma nota ku Lake no tin ningun klase di konsenshi i korte a konsiderá ku e chèns pa un riptishon tabata grandi. Na momentu ku a dikta sentensia, a tene na konsiderashon ku mester ta na konosementu públiko ku e guia profeshonal i no tabatin sufisiente sikiater na prisòn di Kòrsou, pa sigurá ku e chèns pa un riptishon di e akusado por ser tres'é na un mínimo akseptabel.

Pa e motibu aki a skohe e momentu ei pa un periodo di detenshon mas largu posibel: kastigu di bida largu.

Libertat kondishonal

E prosedura ku a kuminsá pa evaluá si Lake por rekobrá su libertat kondishonal, a start na 2018, ku tabata tres aña muchu lat. Prosedura di evaluashon a dura na tur kasi kuater aña. Den e periodo aki diferente eksperto, entre otro sikiater

i sikólogo, Reclasing, trahadó sosial di SDKK, a raportá tokante di Lake.

E ekspertonan ta konsiderá ku e chèns ku Lake lo kometé aktonan kastigabel ta abou i e pronóstiko riba un regreso eksitoso den e komunidad di su pais natal Anguilla, ta ser – unánimemente konsiderá positivo.

Aktualmente korte ta konsiderá ku e chèns ku Lake, despues di a rekobrá su libertat, lo kometé aktonan kastigabel atrobe a baha di tal forma ku e protekshon di e sosiedat kontra e chèns ei, ya no mester ta primordial.

Korte a konsiderá e posishon di e famianan i a skucha nan ku koutela i ku masha atenshon nan deskripsion di e sufrimentu indiskutibel ku nan a pasa aden, dor di e delitonan ku e akusado a kometé ku e víktima i banda di esaki e tristesa ku nan ta eksperensia tur dia ainda.

E famianan a ekspresá ku de fakto nunca nan lo akseptá e libertat di Lake i nan ta oponé firmemente kontra di esaki. Maske ku e deklarashonnan di e famianan ta di importansia, na



momentu ku konsiderá si e akusado por rekobrá su libertat kondishonal, korte no a atribuí importansia decisivo na esaki.

Na final, e punto di salida ta ku despues di 25 aña di kastigu di bida largu, e sentensia mester ser revisá. Esaki ta paso e eheshon di un kastigu di bida largu sin ningun speransa pa por regresá den komunidad, por krea un situashon degradante. Sin pèrdè for di bista e gradedat di e aktonan ku a ser kometé e tempu ei i e sufrimentu ku a keda kousá pa semper, e aspekto ku e famianan ta deseá ku e akusado nunca por sali liber, no por ta un motibu awor pa depriva e akusado, ku a keda será pa un periodo asina largu di kasi 40 aña, ku e perspektiva favorabel pa drenta bèk

den komunidad i tambe ku un riesgo hopi abou di por kometé un otro echo kastigabel, di rekobrá su libertat kondishonal.

Tambe Korte ta husga ku aktualmente e kastigu di prisòn no tin un meta rasonabel mas i ku pa dia 1 di yùli 2022 binidero Lake mester keda poné den libertat, ku e kondishon general ku e no por kometé ningun akto kastigabel pa restu di su bida, sino e kastigu di bida largu lo por rebibá.

Korte ta konfia ku e promesa di Ministerio Públiko, ku e akusado lo keda sostené mas tantu posibel dor di outoridatnan di Anguilla na momentu ku e drenta bèk den e komunidad ei, lo ser kumplí. Dia 1 di yùli 2022 Lake ta bai den libertat i lo ser deportá pa Anguilla.

Proposishon pa baha preis di kombustibel ta kla

WILLEMSTAD. - Ta parse ku gobièrnu huntu ku e tim spesial ku el a lanta a yega na un fórmula pa mitigá oumento di preis di kombustibel. Esaki lo ta di un karakter temporal. Esei ta loke por a konkluí for di un partisipashon ku Minister di Finansa sr. Javier Sylvania a hasi riba su página di Facebook resientemente. Ku tur probabilidad, pueblo lo por spera a lo ménos un bahada den preis di

gasolin i otro derivadonan na pòm.

No sa si e regulashon lo bai konta finalmente pa tarifanan di awa i koriente. Esei ta algu ku no por spekulá muchu kuné ya ku e mandatario tabata hopi breve den su anunsio.

Mitigá

Manera ta konosí, a konsekuensia di e guera entre Rusia i Ukraina preis di petroli a subi mun-

dialmente. Tur pais a ser konfrontá ku oumento di preis pa gasolin i otro derivadonan, pero djis despues nan tabatin e fórmula tambe pa mitigá e subida.

Teniendo na kuenta ku e desaroyonan ei resientemente aki na Kòrsou a tuma lugá algun seshon di “brainstrom” pa pensa posibilidatnan pa mitigá subida di preis di kombustibel. E grupo di trabou a reuní riba 23 di mart último

pa por hasi kalkulashon di e potensial efektonan di eliminashon di ‘schakels’ den omzet-belasting i bahada di akseins visibel.

E grupo di trabou a saka un memorandum despues di nan reunion kual a keda presentá na Minister di Finansa i otro interesadonan.

Durante un reunion dia 29 di mart, a konkluí ku ainda mas informashon mester a keda poné disponibel en konekshon ku e efektonan

makro ekonómiko, potensial subida di otro preisnan i tambe e efekto finansiero pa pais komo konsekuensia di e bahadanan aki.

Opviamente e grupo a hasi su huiswèrk i a presentá resultado di esei na e mandatario ku na su turno a usa e plataforma di Facebook pa hasi e anunsio. Despues di e presentashon aki, lo por tuma un desishon den e kaso aki.

Kay Quandus a presenta:

Bunita poema den cuadro di ‘Dia Mundial di autismo’

ORANJESTAD - Dia 2 di april, na e ocasion di celebracion di Dia Mundial di Conscientisacion di Autismo, Gobierno di Aruba a tene un evento di conscientisacion “Light it up Blue” dilanti di Bestuurskantoor. Na e ocasion aki e hoben Kay Quandus a presenta un bunita poema. E poema tabata como lo siguiente:

Bo kier sa ta ken mi ta?
 Mi rasa ta humano y mescos cu bo.
 Mi tambe tin mi cualidadnan,
 kisas pa bo un poco raro.
 Cana riba tenchi ta mi cos.
 Pero mi ta hopi sensitivo.
 No papia duro,
 mi orea no por cu tanto grito.
 Mi accionnan tin ora mi no por controla.
 Y bo reaccionnan lo por lastima.
 Mi por ta brutalmente honesto,
 pero please no considera mi fresco.
 Den un mundo di fantasia mi sa biaha, Caminda parha ta bula
 y hasta porco por bay laira.
 E ta zona chistoso, pero tin biaha e por ta spantoso.
 Mi tolerancia di dolor ta hopi halto.
 Pero no ta p'esey mi ta gusta brasamento tanto.
 Aunke mi amor ta complica pa algun,
 pa stima bo ... ta ami ta esun.
 Pero label no ta necesario.
 Mi tin cualidadnan extra ordinario.
 Un IQ halto y yena cu imaginacion.
 Ta loke cu ta haci mi asina campeon.
 Purba compronde mi actuacion,
 y duna mi cariño na monton.
 Ta miho forma pa yuda mi.
 Y mas cu tur cos djis stima mi.

Pa conclui srta Kay Quandus a expresa cu el a skirbi e poema bunita aki tempo cu e tabata atende scol Mavo cu ayudo di un maestra yama Juffrouw Garcia. E juffrouw a yude expresa su mes a traves di e palabranan cu tin den e poema. Prome Minister Evelyn Wever-Croes, den nomber di Gobierno di Aruba ta gradici Kay Quandus pa

a forma parti di e evento “Light it Up Blue” compartiendo su poesia hopi bunita cu pueblo di Aruba. “Inclusion di nos ciudadanonan cu abilidadnan special ta prioridad di Gabinete Wever-Croes II. Hunto nos ta traha pa brinda nan miho oportunidadnan y pa laga ningun atras. Esaki ta mi compromiso”, Prome Minister a enfatisa.



Minister Rocco Tjon a reuni cu directiva

Veiligheidshuis Aruba a duna presentacion amplio di su trabounan

ORANJESTAD - Dialuna merdia, Minister di Husticia y Asuntonan Social Sr. Rocco Tjon a reuni cu directiva di Veiligheidshuis Aruba. Un reunion sumamente positivo caminda a ricibi un presentacion amplio di e trabounan cu nan ta haci, como tambe un bista riba kico ta e meta pa aña 2022.

Veiligheidshuis Aruba ta encarga cu entre otro e maneho di procesonan cu ta enfoka riba casonan compleho y personanan cu multi-problematica social. Tambe nan ta percursa pa facilita y desaroya e colaboracion entre e cadena di cuida/social y e cadena hudicial. Veiligheidshuis Aruba ta enfoka riba gruponan specifico, entre otro hobenan cu ta core riesgo, delincuentenan cu ta comete

delito frecuentemente, personanan cu confusion, personanan cu problemanan di adicción, psiquiatrico y double diagnostico. Fuera di esey ta trata tambe cu agresonan y victimanan di violencia relacional, personanan indocumenta, y tambe adulto mayor. Ta importante pa remarca cu Veiligheidshuis Aruba ta traha cu partnernan clave den e cadena hudicial y cuida social manera; Bureau Leerplicht, Bureau Sostenemi, KIA, Departamento di Asuntonan Social, Departamento di Voogdijraad, Fundacion Guia Mi, Wit Gele Kruis, Fundacion pa Maneho di Adicción, Respaldo, Bureau Slachtofferhulp, Cuerpo Policial di Aruba, Ministerio Publico, Stichting Reclustering en Jeugdbescherming Aruba,

Sociaal Psychiatrische Dienst y FCCA.

Por ultimo, durante e reunion aki a toca diferente punto di preocupacion, manera e aumento di uso di droga bou di hobenan y e lista di esperaden cuida di salud mental. Pa e motibo aki e meta di Veiligheidshuis Aruba pa 2022 ta pa enfoka riba e cuida propio di e personal, desaroyo profesional, y deteccion trempan; estudio di casonan anterior den e cadena. Den cuadro di esaki, Ministerio di Husticia y Asuntonan Social a percursa pa tin participacion structural den e reunionnan aki, mirando e balor agrega cu esaki tin pa henter e cadena, pa asina por coordina casonan mas miho y tuma e pasonan necesario pa por brinda e ayudo na tempo.

Si duna atencion corecto na ambtenaar

Servicio di gobierno por mehora

ORANJESTAD -- Diamars a finalisa tratamento di Ley di Presupuesto 2022 di pais Aruba unda a trata presupuesto di Ministerio di Asuntonan General, Innovacion, Organizacion Gubernamental, Infraestructura y Planificacion Teritorial como tambe di Ministerio di Finansa y Cultura.

Den su discrecion Parlamentario Alvin Molina, a elabora cu e ambtenaar, tin e deber pa duna su cliente e trato cu e merece y e unico manera cu e ambtenaar por duna un servicio optimal na su cliente, ta si e ambtenaar na su turno tambe ricibi un servicio optimal.

E ambtenaar merece ricibi su ‘bevordering’, ‘disciplinar’, un ‘opleiding’ y un vision den su trabou. En conexcion cu esaki, Parlamentario Alvin Molina a haci un peticion na Minister

President, como presidente di Consejo di Ministro, pa hunto cu e otro ministernan percursa pa optimalisa e servicio duna den e departamentonan di Gobierno.

Molina ta kere cu un servicio excelente, na cliente, riba tur nivel den Gobierno, y eventualmente na pueblo di Aruba, ta esencial pa di berdad nos logra pone ‘e ser humano central’. Par-

lamentario Molina ta kere cu ta importante pa nos pone mas atencion na ‘personeelszorg’. Percursa pa nos hendenan ricibi loke nan merece. Alvin Molina a entrega un mocion unda ta urgi Gobierno pa haci un investigacion con por agilisa e procesonan pa garantiza un funcionamiento optimal di Directie Recurso Humano DRH.



Atlético Flamingo ku viktoria di 3-0 riba Juventus

KRALENDIJK--Atl. Flamingo djárason último 6 di aprel 2022, a gana di Juventus ku skor di 3-0 den kontinuashon di kampionato futbòl 2022 di nos isla, esaki den partido 8'or anochi na Stadion Antonio Trenidad na Rincon Sùit.

Ku e viktoria aki Atl. Flamingo ta posishoná su mes na di tres lugá den e kampionato, esaki despues di Vitesse na promé lugá, e kampionnan di Real Rincon di dos lugá.

Di akuerdo ku e informashonnan di e kordinadó di kampionato señor Patrick Mariana, e partido aki tabata partido nr. 10 bálido pa kampionato regular di FFB/FWNB.

E partido aki tabata unu

ku hopi hende a pensa ku sv Juventus lo no sigui den e kampionato.

Pero nan a presentá ku hungadó di sobra despues di a pèrdè e promé partido pa difolt, talbes pa un mal komprondementu.

E promé mitar di e partido djárason último, esaki no a konosé gol, un partido bon bringá ámbos banda ku diferente oportunidatnan sin ku a probechá di esakinan.

E di dos mitar, na di 51 minüt di e partido, Jonathan Libiana ta hasi e partido 1-0 pa Atl. Flamingo.

Na di 60 minüt Jonathan Libiana ku tremendo tiru ta hinka su di dos gol di e partido pa Atl. Flamingo amplia bentaha na 2-0.

Na di 73 minüt di e partido Atl. Flamingo ta haña pinalti i Terrance Trinidad ta hasi e partido 3-0 na favor di Atl. Flamingo.

Atl. Flamingo a gana e partido 3-0 i bai ku e tres puntonan di e partido.

Un total di 137 fanátiko a paga pa mira e partido, ku ta bon pa 98 adulto, 21 mucha i 18 hende grandi riba 60 aña.

Rèfri ku a dirigí e partido ta Bryan Virginie.

Un danki di parti di FFB na rèfrinan ku a dirigí e partido, tambe e fanátikonan ku a paga pa mira e partido.

Riba potrètnan rèfrinan huntu ku e kapitannan, e timnan i outornan di e golnan di e partido.



Segun Sharifa Sedney

E programa “Samen Fit” ta unu di diferente programa

KRALENDIJK--Sharifa ku ta kordinadó di e proyekto “Samen Fit” di OLB (Direktorado Komunitat di Kuido) relashoná ku e proyekto den entrevista ku nos tabatin kuné e siman aki, a bisa ku ta trata di un proyekto ku tin diferente programa den dje, diferente aktividat.

Un programa ku yama “Samen Fit”, e otro parti ta “invertí den bo salú”.

Samen Fit nan ta hasi esaki huntu ku Indebon ku ta e instituto di deporte di gobièrnu di Boneiru.

Ta hasi e aktividatnan di moveshon riba djasabra, esaki for di 09:30 pa 11:00.

Momentu ku nan partisipá na esaki ta hopi bon

ya ku na kas nan ta isolá, nan no ta sali, di kua e parti mental tambe ta bai traha riba e personanan aki.

Ora nan bai e programa nan ta move, nan ta papia ku otro di kua kombèrsá ta hopi importante.

Banda di esei bo tin ku “invertí den bo salú”, di kua esei ta diferente tópiko ku ta tende di e personanan, loke nan ta haña importante pa sigui papia over di dje, sigui haña informashon tokante esaki.

E parti di moveshon ta bou di lidernan deportivo di Indebon ku ta enkargá ku esaki.

Ya tin kuater bia kaba ku ta bai den bario, pues e proyekto a start.

E aktividat ta tuma lugá na Rincon, den tur bario di Boneiru e la tuma lugá kaba.

Importante ta pa mas hende haña sa di e proyekto, di kua e hendenan ku ta partisipá ta gosa hopi durante esaki.

Banda di e moveshonnan, e hendenan ta yega tempran, nan ta haña kòfi, fruta etc.

Importante ta pa tur hende, òf pa mas hende haña sa di e oportunitat aki i pa nan hasi uso di dje tambe.

Nan ta sinti nan hopi bon tambe pasobra nan ta move manera nan por, nan ta haña guia pa nan move manera nan ke i manera ku nan por.

E aktividatnan ku ta

sigui ta dia 9 aprel, 23 di aprel, 7 mei i 21 di mei.

E promé aktividat pa aworakí, di kua e siguiente aktividat ta djasabra awó unda ku lo tin aktividat den Sentro di Bario Amboina, Sentro Bario Tera Kòrà i Parke Patun Saragoza na Antriòl.

Den e sentronan di bario tin tambe informashon di e dianan di e aktividatnan.

Ta bon tambe pa menshoná ku si un hende no tin transporte pa bai e programa, nan ta buska e persona hiba unda ku e programa ta tuma lugá.

BròKèS 93.5 FM
Tono Positivo, Ritmo Dibertido

STUDIO Telefon & WhatsApp
+599 701 0935

| | |
|---|--|
| <p style="text-align: center; margin: 0;">Maneho General; Djoni Leoneta +599 786 9091</p> | |
| <p style="text-align: center; margin: 0;">Maneho atministrativo; Ethel Leoneta +599 796 9133</p> | |
| <p style="text-align: center; margin: 0;">email; 93.5boneiru@gmail.com Radio BròKèS 93.5 Boneiru</p> | |

Segun Marugia Janga

Programa “Samen Fit” pa moveshon di esnan di mas edat i ku defisiensia

KRALENDIJK--Marugia huntu ku Sharifa di e proyekto “Samen Fit” ku ta unu pa moveshon tantu pa esnan di mas edat komo tambe pa esnan ku defisiensia físiko, den entrevista ku nos tabatin e siman aki ku nan, a duna informashon relashoná ku e proyekto aki.

Marugia a kuminsá yama danki pa e oportunitat ku nan a haña pa ta den e programa Deporte99 pa duna informashon di e proyekto Samen Fit.

Segun e la bs mas aleu, nan ta den e programa pa duna informashon tokante un proyekto, un proyekto ku dos luna pasá gobièrnu (OLB) a inisiá kuné.

Mas spesifiko e Direk-

torado Komunitat di Kuido a kuminsá ku esaki.

E programa ta hiba di nòmber “Samen Fit”, ke men ku huntu nos ta keda salú.

E ta un proyekto ku su meta ta pa tur hende ta salú.

E ta un proyekto grandi den konteksto di deporte, moveshon, nan ta enfoká riba e asesibilidad tambe pa hendenan grandi i hendenan ku defisiensia, ku no por kana bon, ku no por move bon.

Segun sra Marugia, ku e hendenan aki tambe mes- ter por tin algu pa nan, sea ta riba tereno di deporte òf otro aktividatnan pa nan por keda “fit”, pa nan por keda salú mentalmente i físikamente.

Den e cuadro ei, e proyekto aki ta un parti di e totalidat, kaminda ku nan ta enfoká pa hasi moveshon den bario.

Huntu ku su kolega Sharifa ku ta kordiná e proyekto.

Ehekushon di e proyekto ta wòrdu hasí dor di Indebon ku ta e instituto di deporte di OLB.

Banda di esei ku ta e parti di moveshon, otro areanan tambe e hendenan mes ta indiká ku nan ke risibí esaki riba un base.

Meta di esaki ta pa yega na un kaminda ku si bo ta un persona ku no por move bon, òf kaminda ku tin un hende grandi tambe den kas, tambe bo por haña ayudo ku kada bes ku tin un

aktividat, e ta bira asesibel na aktividatnan den komunitat di Boneiru, ku nan tambe por partisipá na dje.

Pa partisipá esaki no ta mará na edat.

Si bo tin defisiensia, por ta un hende hóben mes por ehèmpel ku no por kana, òf e no por move su brasanan bon, e no por partisipá na un deporte normal, pero ta hopi importante pa e persona por move, nan ta motivá e persona pa e partisipá momentu ku tin e aktividatnan na un òf otro sitio ku por ehèmpel ta riba djasabra, pa e persona aki tambe por keda den moveshon.

Hopi bia e personanan ku tin defisiensia, hopi hende ta lubidá riba nan.

Ora bo papia di deporte

por ehèmpel e persona ku defisiensia ku no por move su brasanan bon òf su pianan, e ta den ròlstul, e no por hasi un deporte.

No tin un deporte spesifikamente pa nan.

Sèmper nan ta keda ge- won den kas ku nan defisiensia, di kua esei ta nifiká ku nan no por partisipá manera otro hendenan ku no tin defisiensia si ta hasi.

Nan ta keda tras, hopi bia nan ta keda isolá sin nada di hasi, solamente enbèrdat e parti di moveshon, e parti di motivá hendenan ku defisiensia ta un otro tipo di akohida pa e hendenan aki pasó bo mester sa kon ta hasié pa e hendenan aki por move sin lastimá nan kurpa.

The Wine Factory awor na Boneiru

KRALENDIJK -- Djasabra 2 di aprel tabata un bunita fecha pa e komersiante di The Wine Factory. Ta trata di e di dos tienda. Despues di 14 aña establese na Kòrsou, The Wine Factory ta na Boneiru tambe.

Juan Manuel Almonacid i Mascha Zwanenburg, kendenan ta doño di The Wine Factory, a bisa nan ta masha kontentu ku awor nan ta na Boneiru ku The Wine Factory i tur hende por pasa i purba i rekonosé e bon kalidat ku nan tin pa ofresé.

“Awe nos ta kòrta sinta i deklará e tienda ofisialmente habrí. Nos ta kontentu i a mira kon serio i duru Voedsel Bank Bonaire ta funshoná i nos ta deseá pa duna nan un regalo.

Nos ta regalá nan 7.500 dòler.

Renee Zeijen, tesorero di Voedsel bank Bonaire, tabata presente i a risibí e chèk simbólikamente.

Xavi Almonacid a kòrta sinta di The Wine Factory i habri e portanan pa un i tur. Sander Keijers ta e general mèneder di e tienda nobo.



hp OFFICIAL STORE



HP DESKTOP PC

\$895



HP ALL-IN-ONE

\$645

HOT PRICE



15.6" HP LAPTOP

\$529



HP WIRELESS PRINTER

\$59



City Shop

Smart shopping ▶ Better living

Kaya International #36

www.cityshopbonaire.com

City Shop Bonair

+599 717.36.66

info@cityshopbonaire.com

+599 700.64.42